

宋史

卷四百九十一之九十六



510

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUL 30 1936

T 2455.21



Harvard College Library Imaging Services <http://imaging.harvard.edu>

CM 0	1	2	3	4	5	6	7	8	9	10	11	12	13	14	15	16	17							
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/-54	55/-39/33	42/57/29	82/4/79	51/50/-13	50/-28/-29	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68

列傳卷第二百五十

宋史四百九十九

宋史四百九十九

開府儀同三司桂國錄事重事前中書丞相監修國史領經筵事都總裁脫脫等

勅修

外國七

琉球國

定安國

渤海國

日本國

党項

流求國在泉州之東有海島曰彭湖烟火相望其國
塹柵三重環以流水植棘為藩以刀稍弓矢劍鼓為
兵器眎月盈虧以紀時無他奇貨商賈不通厥土沃
壤無賦歛有事則均稅旁有毗舍邪國語言不通袒

裸肝睢殆非人類淳熙間國之酋豪嘗率數百輩猝
至泉之水灣圍頭等村肆行殺掠喜鐵器及匙筋人
閉戶則免但刳其門圈而去擲以匙筋則頻拾之見
鐵騎則爭刳其甲駢首就戮而不知悔臨敵用標鎗
繫繩十餘丈爲操縱蓋惜其鐵不忍棄也不駕舟楫
惟縛竹爲筏急則羣舁之泗水而遁

定安國本馬韓之種爲契丹所攻破其酋帥糾合餘
衆保于西鄙建國改元自稱定安國開寶三年其國
王烈萬華因女真遣使入貢乃附表貢獻方物太平
興國中太宗方經營遠略討擊契丹因降詔其國令

張犄角之勢其國亦然寇讐侵侮不已聞中國用兵
北討欲依王師以攄宿憤得詔大喜六年冬會女真
遣使來貢路由本國乃托其使附表來上云定安國
王臣烏玄明言伏遇聖主洽天地之恩撫夷貊之俗
臣玄明誠喜誠抃頓首頓首臣本以高麗舊壤渤海
遺黎保據方隅涉歷星紀仰覆露鴻鈞之德被浸漬
無外之澤各得其所以遂本性而頃歲契丹恃其強
暴入寇境土攻破城砦俘略人民臣祖考守節不降
與衆避地僅存生聚以迄于今而又扶餘府昨背契
丹並歸本國災禍將至無大於此所宜受天朝之密

畫率勝兵而助討必欲報敵不敢違命臣玄明誠懇
誠願頓首頓首其末題云元興六年十月日定安國
王臣玄明表上聖皇帝前上答以詔書曰勅定安國
王烏玄明女真使至得所上表以朕嘗賜手詔諭旨
且陳感激卿遠國豪帥名王茂緒奄有馬韓之地介
于鯨海之表疆敵吞併失其故土沉寃未報積憤奚
伸矧彼獯戎尚搖蔓毒出師以薄代乘夫天災之流
行敗衄相尋滅亡可待今國家已干邊郡廣屯重兵
只俟嚴冬卽申天討卿若能追念累世之恥宿戒舉
國之師當予伐罪之秋展爾復仇之志朔漠底定爵

賞有加宜思永圖無失良便而况渤海願歸於朝化
扶餘已背於賊庭勵乃宿心糾其協力克期同舉必
集大勲尚阻重溟未遑遣使倚注之切鑒寐寧忘以
詔付女真使令齋以賜之端拱二年其五子因女真
使附獻馬雕羽鳴鏑淳化二年其王子太原女真使
上表其後不復至

渤海本高麗之別種唐高宗平高麗從其人居中國
則天萬歲通天中契丹攻陷營府高麗別種大祚榮
走保遼東睿宗以爲急汗州都督封渤海郡王因自
稱渤海國併有扶餘肅慎等十餘國歷唐梁後唐朝

貢不絕後唐天成初爲契丹阿保機攻扶餘城下之
改扶餘爲東丹府命其子突欲留兵鎮之阿保機死
渤海王復攻扶餘不能克歷長興清泰遣使朝貢周
顯德初其酋豪崔烏斯等三十人來歸其後隔絕不
能通中國太平興國四年太宗平晉陽移兵移州其
酋帥大鸞河率小校李勛等十六人部族二百騎來
降以鸞河爲渤海都指揮使六年賜烏合城清渝府渤
海琰府王詔曰朕纂紹丕構奄有四海普天之下罔
不率俾矧太原封域國之保障頃因竊據遂相承襲
倚遼爲援歷世逋誅朕前歲親提銳旅盡護諸將板

不許懿州刺史田漢瓊綿州刺史田漢希上言願兩
易其地詔從之又以知叙州舒德鄂爲刺史雍熙元
年黔南言溪峒夷獠疾病擊銅鼓沙鑼以祀神鬼詔
釋其銅禁淳化二年知晃州田漢權言本管砂井步
夷人粟忠獲古晃州印一鈕來獻因請命以漢權爲
晃州刺史又以五溪諸州統軍鶴州刺史向通權爲
富州刺史從其請也是年荆湖轉運使言富州向禹
通殺皮師勝父子七人取五藏及首以祀魔鬼朝廷
以其遠裕令勿問三年晃州刺史田漢權錦州刺史
田保全遣使來貢五年以舒德言爲元州刺史獎

外史列傳卷二百五十一
四
晃叙懿元錦費福等州皆來貢上親視器幣以賜之
至道元年高州溪州並來貢二年上親祀南郊富州
刺史向通漢上言聖人郊祀恩浹天壤况五溪諸州
連接十洞控西南夷戎之地惟臣州自昔至今爲辰
州墻壁障護辰州五邑王民安居臣雖僻處遐荒洗
心事上伏望陛下察臣勤王之誠因茲郊禮特加真
命詔加通漢檢校司徒進封河內郡侯咸平元年通
漢又言請定租賦真宗以荒服不征弗之許其年古
州刺史向通展以芙蓉朱砂一器馬十匹水銀十兩
來獻詔有司鑄印以賜通展二年以下溪州刺史彭

裔然善隸書而不通華言問其風土但書以對云國
中有五經書及佛經白居易集七十卷並得自中國
土宜五穀而少麥交易用銅錢文曰乾文大寶畜有
水牛驢羊多犀象產絲蠶多織絹薄緻可愛樂有國
中高麗二部四時寒暑大類中國國之東境接海島
夷人所居身面皆有毛東輿州產黃金西別島出白
銀以爲貢賦國王以王爲姓傳襲至今王六十四世
文武僚吏皆世官其年代紀所記云初主號天御中
主次日天村雲尊其後皆以尊爲號次日天八重雲尊
次天彌聞尊次日天忍勝尊次瞻波尊次萬魂尊次利

利魂尊次國狹槌尊次角龔魂尊次汲津丹尊次面
垂見尊次國常立尊次天鑑尊次天萬尊次沫名杵
尊次伊奘諾尊次素戔嗚尊次天照大神尊次正哉
吾勝速日天押穗耳尊次天彥尊次炎尊次彥瀲尊
凡二十三世並都於筑紫日向宮彥瀲第四子號神
武天皇自筑紫宮入居大和州橿原宮即位元年甲
寅當周僖王時也次綏靖天皇次安寧天皇次懿德
天皇次孝昭天皇次孝天皇次孝靈天皇次孝元天
皇次開化天皇次崇神天皇次垂仁天皇次景行天
皇次成務天皇次仲哀天皇國人言今爲鎮國香椎

大神次神功天皇開化天皇之曾孫女又謂之息長
足姬天皇國人言今爲大柰良姬大神次應神天皇
甲辰歲始於百濟得中國文字今號八蕃菩薩有大
臣號紀武內年三百七歲次仁德天皇次履中天皇
次反正天皇次允恭天皇次安康天皇次雄略天皇
次清寧天皇次顯宗天皇次仁賢天皇次武烈天皇
次繼體天皇次安開天皇次宣化天皇次天國排開
廣庭天皇亦名欽明天皇卽位十一年壬申歲始傳
佛法於百濟國當此土梁承聖元年次敏達天皇次
用明天皇有子曰聖德太子年三歲問十人語同時

解之七歲悟佛法于菩提寺講聖鬘經天雨曼陀羅
華當此土隋開皇中遣使泛海至中國求法華經次
崇峻天皇次推古天皇欽明天皇之女也次舒明天
皇次皇極天皇次孝德天皇白雉四年律師道照求
法至中國從三藏僧玄奘受經律論當此土唐永徽
四年也次天豐財重日足姬天皇次僧智通等入唐
求大乘法相教當顯慶二年次天智天皇次天武天
皇次持總天皇次文武天皇大寶三年當長安元年
遣粟田真人入唐求書籍律師道慈求經次阿閉天
皇次皈依天皇次聖武天皇寶龜二年遣僧正玄昉

入朝當開元四年次孝明天皇聖武天皇之女也天
平勝寶四年當天寶中遣使及僧入唐求內外經教
及傳戒次天炊天皇次高野姬天皇聖武天皇之女
也次白壁天皇二十四年遣二僧靈仙行賀入唐禮
五臺山學佛法次桓武天皇遣騰元葛野與空海大
師及延歷寺僧澄入唐詣天台山傳智者止觀義當
元和元年也次諾樂天皇次嵯峨天皇次淳和天皇
次仁明天皇當開成會昌中遣僧入唐禮五臺次文
德天皇當大中年間次清和天皇次陽成天皇次光
孝天皇遣僧宗睿入唐傳教當光啓元年也次仁和

天皇當此土梁龍德中遣僧寬建等入朝次醍醐天皇次天慶天皇次封上天皇當此土周廣順年也次冷泉天皇今爲太上天皇次守平天皇卽今王也凡六十四世畿內有山城大和河內和泉攝津凡五州共統五十三郡東海道有伊賀伊勢志摩尾張參河遠江駿河伊豆甲斐相模武藏安房上總常陸凡十四州共統一百一十六郡東山道有通江美濃飛驒信濃上野下野陸奧出羽凡八州共統一百二十二郡北六道有狹越前加賀能登越中越後佐渡凡七州共統三十郡山陰道有丹波丹後但馬因幡伯耆

出雲石見隱伎凡八州共統五十二郡小陽道有播磨美竹備前備中備後安藝周防長門凡八州共統六十九郡南海道有伊紀淡路河波讚耆伊豫土佐凡六州共統四十九郡西誨道有筑前筑後豐前豐後肥前肥後日向大隅薩摩凡九州共統九十三郡人有壹伎對馬多禰凡三島各統二郡是謂五畿七道三島凡三千七百七十二都四百一十四驛八十八萬三千三百二十九課課丁之外不可詳見皆齋然所記云按隋開皇二十年倭王姓阿每名自多利思比孤遣使致書唐永徽五年遣使獻琥珀馬腦

長安二年遣其朝臣真人貢方物開元初遣使來朝
天寶十二年又遣使來貢元和元年遣高階真人來
貢開成四年又遣使來貢此與其所記皆同大中光
啓龍德及周廣順中皆嘗遣僧至中國唐書中五代
史失其傳唐咸亨中乃開元二十三年大曆十二年
建中元年皆來朝貢其記不載太宗召見喬然存撫
之甚厚賜紫衣館于太平興國寺上聞其國王一姓
傳繼臣下皆世官因歎息謂宰相曰此島夷耳乃世
祚遐久其臣亦繼襲不絕此蓋古之道也中國自唐
季之亂寓縣分裂梁周五代享歷尤促大臣世胄鮮

能嗣續朕雖德慙往聖常夙夜寅畏講求治本不敢
暇逸建無窮之業垂可久之範亦以為子孫之計使
大臣之後世襲祿位此朕之心焉其國多有中國典
籍喬然之來復得孝經一卷越王孝經新義第十五
一卷皆金縷紅羅標水晶為軸孝經即鄭氏注者越
王者乃唐太宗子越王貞新義者記室參軍任希古
等撰也喬然復求詣五臺許之令所過續食又求印
本大藏經紹亦給之二年隨台州寧海縣商人鄭仁
德船歸其國後數年仁德還喬然遣其弟子喜因奉
表來謝曰日本國東大寺大朝法濟大師賜紫沙門

奮然啓傷鱗入夢不忘漢主之恩枯骨合歡猶亢魏
氏之敵雖云羊僧之拙誰忍鴻需之誠奮然誠惶誠
恐頓首頓首死罪奮然附商船之離岸期魏闕於生
涯望落日而西行十萬里之波濤難盡顧信風而東
別數千里之山嶽易過妄以下根之卑適詣中華之
盛於是宣旨頻降恣許荒外之跋涉宿心克協粗觀
寓內之瓌竒况乎金闕曉後望堯雲於九禁之中巖
扃晴前拜聖燈於五臺之上就三藏而稟學巡數寺
而優游遂使蓮華迴文神筆出於北闕之北貝葉印
字弗詔傳於東海之東重蒙宣恩忽趨來跡季夏

台州之纜孟秋達本國之郊爰逮明春初到舊色緇
素欣待侯伯慕迎伏惟陛下惠溢四溟恩高五嶽世
超黃軒之古人直金輪之新奮然空辭鳳凰之窟更
還螻蟻之封在彼在斯只仰皇德之盛越山越海敢
忘帝念之深縱粉百年之身何報一日之惠染筆拭
淚伸紙搖魂不勝慕恩之至謹差上足弟子傳燈大
法師位嘉因并大朝剃頭受戒僧祚乾等拜表以聞
稱其本國永延二年歲次戊子二月八日實端拱元
年也又別啓貢佛經納青木函琥珀青紅白水晶紅
黑木穗子念珠各一連並納螺鈿花形平函毛籠一

納螺杯二口葛籠一納法螺二口漆皮二十枚金銀
時繪筥一合納髮鬘二頭又一合納參議正四位上
藤佐理手書二卷及進奉物數一卷表狀一卷又金
銀時繪硯一筥一合納金硯一鹿毛筆松烟墨金銅
水瓶鐵刀又金銀時繪扇筥一合納檜扇二十枚蝙
蝠扇二枚螺鈿梳函一對其一納赤木梳二百七十
其一納龍骨十椽螺鈿書案一螺鈿書几一金銀時
繪平筥一合納白細布五匹鹿皮籠一納貂裘一領
螺鈿鞍轡一副銅鐵鐙紅絲鞦泥障倭畫屏風一雙
石流黃七百斤咸平五年建州海賈周世昌遭風

至日本凡七年得還與其國人勝木吉至上皆召見
之世昌以其國人唱和詩來上詞甚雕刻膚淺無所
取詢其風俗云婦人皆被髮一衣用二三縑又陳所
記州名年號上令勝木吉以所持木弓矢挽射矢不
能遠詰其故國中不習戰鬪賜木吉時裝錢遣還景
德元年其國僧寂照等八人來朝寂照不曉華言而
識文字繕寫甚妙凡問答並以筆札詔號圓通大師
賜紫方袍天聖四年十二月明州告日本國大宰府
遣人貢方物而不持本國表詔却之其後亦未通朝
貢南賈時有傳其物貨至中國者熙寧五年有僧誠

尋至台州止天台國清寺願留州以聞詔使赴闕誠
尋獻銀香爐木榼子白琉璃五香水精紫檀琥珀所
飾念珠及青色織物綾神宗以其遠人而有戒業處
之開寶寺盡賜同來僧紫方袍是後連貢方物而來
者皆僧也元豐元年使通事僧仲回來賜號慕化懷
德大師明州又言得其國太宰府牒因使人孫忠還
遣仲回等貢純二百匹水銀五千兩以孫仲乃海商
而貢禮與諸國異請自移牒報而答其物直付仲回
東歸從之乾道九年始附明州綱首以方物入貢淳
熙二年倭船火兒滕太明毆鄭作死詔械太明付其

綱首歸治以其國之法三年風泊日本舟至明州衆
皆不得食行乞至臨安府者復百餘人詔人日給錢五
十文米二升俟其國舟至日遣歸十年日本七十三
人復飄至秀州華亭縣給常平義倉錢米以振之紹
熙四年泰州及秀州華亭縣復有倭人爲風所泊而
至者詔勿取其貨出常平米振給而遣之慶元六年
至平江府嘉泰二年至定海縣詔並給錢米遣歸國
党項古析支之地漢西羌之別種後周世始強盛有
細風氏費聽氏往利氏頗超氏野亂氏房當氏來禽
氏招拔氏最爲強族唐貞觀至上元間內附散居西

北邊元和以後頗相率爲盜會昌初武宗置三使以統之在邠寧延者爲一使在鹽夏長澤者爲一使在靈武麟勝者爲一使五代亦嘗入貢今靈夏綏麟府環慶豐州鎮戎天德振武軍並其族帳太祖建隆二年代州刺史折也埋來朝也埋党項之大姓世居河右有捍邊之功故授以方州召令入覲而遣還開寶元年直蕩族首領啜佶等引并人寇府州爲王師所敗詔內屬羌部十六府大首領屈遇與十二府首領羅崖領所部誅啜佶啜佶懼以其族歸順以屈遇爲檢校太保歸德將軍羅崖啜佶並爲檢校司徒懷化

將軍太平興國二年二月靈州部送歲市官馬賂所過族帳物粗惡羌人恚不受知州比部郎中張全操捕得十八人殺之没入其兵仗羊馬戎人遂擾上遣使齎金帛撫賜其族與之盟始定召全操下有司鞫之決杖流登州沙門島是歲靈州通遠軍界嚩咩族折四族吐蕃村族柰啞三家族尾落族柰家族嚩泥族飄略官綱詔靈州安守忠通遠軍董遵誨討平之六年府州外浪族首領來都等來貢馬七年豐州大首領黃單并弟乞蚌等來貢馬又銀州羌部招跋遇來訴本州賦役苛虐乞移居內地詔令各守族帳又保

細族結集扇動諸部夏州巡檢使梁迥率兵討平之
雍熙初諸族渠帥附李繼遷爲寇詔判四方館事田
仁朗及閣門使王侁等相繼領兵討擊并賜麟府銀
夏豐州及日利月利族勅書招諭之二年四月侁等
於銀州北破悉利諸族斬首三千六百餘級生擒八
十人俘老小一千四百餘口噐甲一百八十六梟僞
署代州刺史折羅遇并弟埋乞獲馬牛羊三萬計五
月又於開光谷西杏子平破保寺保香族追奔二十
餘里斬首八百餘級梟其首領埋九已等五十七人
生擒四十九人俘其老小三百餘人獲牛羊馬驢凡

四千餘計又破保洗兩族俘三千人降五十五族獲
牛羊八千計洗等又言麟州及三族砦羌人二千餘
戶皆降酋長折御七等六十四人獻馬首罪願改圖
自効爲國討賊遂與部下兵入濁輪川斬賊首五十
級酋豪二十人李繼遷及三族砦監押折御七皆遁
去旋命內客省使郭守文自三交乘驛亟往與王侁
等同領邊事五月王侁李繼隆等又破銀州杏子平
東北山谷內洗砦浪悉訛等族及濁輪川東兔頭川
西諸族生擒七十八人梟五十九人俘二百三十六
口牛羊驢馬十二百六十招降千四百五十二戶六

月夏州尹忠等引兵至監城吳移越移等四族來降
憲等撫之爰伽羅賦十四族拒命憲等縱兵斬首千
餘級俘擒百八焚千餘帳獲馬牛羊七千計又降銀
麟夏等州三族若諸部一百二十五族合萬六千一
百八十九戶酋豪折御也窮蹙來歸守文置之部下
又夏州咩族虜病入也崖在南山族結黨為寇招
懷不至擒斬之梟首徇衆并滅其族又府州女也族
首領來毋崖男社正等四附因遷居茗也族中七月
賜宥州界咩兀十族首領都指揮使遇也布等九人
勅書以安撫之十一月以勅浪族十六府大首領屈

遇名波族十二府大首領浪買當豐州路最為忠順
及兀泥三族首領佶移等女女四族首領殺越都等
歸化並賜勅書撫之端拱元年三月火山軍言河西
羗部直蕩族內附二年四月夏州趙保忠言臣準詔
市馬已獲三百匹其宥州御泥布囉樹等二族黨附
繼遷不肯賣馬臣遂領兵掩殺二百餘人擒百餘人
其族即降各已安撫詔書獎諭之十月繼遷寇會州
熟倉族為其首領咩唼率來離諸族擊走之淳化元
年藏才三族都州啜尾卒其子啜香來請命乃令代
其父二年七月以黃也族降戶七百餘散于銀夏州舊

地處之八月李繼遷居玉庭鎮趙保忠往襲之繼遷奔鐵斤澤貌奴猥才二族奪其牛畜二萬餘十一月繼遷寇熟倉族刺史咩唼率來離諸族擊退之先是兀泥大首領泥中佶移內附詔授慎州節度俄復歸繼遷其長子突厥羅與首領黃羅至是以千餘帳降府州折御卿以聞降詔慰諭之趙保忠又襲破宥州御泥布羅樹二族尋各降之以其朋附繼遷來上四年三月直蕩族大首領啜尾子河汭大首領馬一並來貢詔以啜尾叔羅買爲本族都監又啜尾下首領十人馬一下首領十二人皆賜錦袍銀帶器幣是年

鄭文寶獻議禁青鹽羌族四十四首領盟于楊家族引兵騎萬三千餘人入寇環州石昌鎮知環州程德玄等擊走之因詔屯田員外郎知制誥錢若水馳驛詣邊弛其鹽禁由是部族寧息十二月鹽州羌人酋長巢延渭爲本州刺史是年藏才西族大首領羅妹來貢五年正月以綏州羌酋蘇移山海夜母馱香三人並爲懷化將軍野利鬼名也屈啜泥三人並爲歸德郎將四月府州折御卿言銀夏州管勾生戶八千帳族悉來歸附錄其牛馬羊萬計邈二族大首領崖羅藏才東族首領歲囉啜克各遣其子弟朝貢六月

繼遷所驅脅內屬戎人橐駝路熟藏族首領也遇率部族反攻繼遷其弟力戰而死既敗繼遷之衆復來歸附以遇爲檢校司空領會州刺史是年兀泥族首領黃羅內附以爲懷化將軍領昭州刺史至道元年四月以勒浪鬼女兒門十六府大首領馬尾等內附以馬尾爲歸德大將軍領息州刺史以勒浪樹李兒門首領沒崖爲安化郎將副首領遇兀爲保順郎將六月賜慶州界首領順州刺史李奉明澄州刺史李彥咩鹽州刺史巢延渭濱州刺史李順忠環州界首領會州刺史也遇及靈州界并河外保安保靖諷河

懷遠定遠五鎮等部勅書慰撫之七月睡泥族首領你七逋令男詣靈州言族內七百餘帳爲李繼遷劫略首領咩逋一族奔徙肅關你七逋一族乞賜救助詔賜以資糧環州熟倉族亂遇略奪繼遷牛馬三二餘繼遷令人招撫之亂遇答云吾一心向漢誓死不殺詔以遇爲會州刺史賜帛五十匹茶五十斤二年三月以府州界五族大首領折突厥殺爲安遠大將軍父死來請命也六月勒浪族副首領遇兀等百九十三人歸附貢馬七匹遇兀舊隸契丹淳化初遷族帳於府州界東至河百五十里南至府州三百里至

是始朝貢上召問慰勞賜袍錦銀帶遇兀言部族多
良馬今始來朝所貢未備上曰吾嘉爾忠順之節慕
化來歸固不以多馬為意也七月李繼隆出討繼遷
賜麟府州兀泥中族大首領突厥羅文文殺族大首
領越部文文曼勒族大首領越移文文忙族大首領
越置文文雙兒族大首領党移沒兒族大首領莫宗
移路之族大首領越移細也族大首領慶元路才族
大首領羅保細母族大首領羅保保也凡十族勅書
招懷之閏七月懷安鎮羌誘諸族寇慶州監軍趙繼
昇率師擊敗之斬首三百級獲羊馬千計三年二月

泥巾族大首領名悉俄首領皆移尹遇崔保羅沒佶
凡五人來貢馬名悉俄等舊皆內屬因李繼遷之叛
徙居河北今復來貢咸平元年三月熟倉族訛遇來
朝真宗嘉其誠節親見撫勞賜以器幣十月兀泥族
大首領昭州刺史黃羅對于崇德殿兀泥族在青岡
嶺三角城龍馬川領族帳千五百戶初隸繼遷俄投
府州淳化中數敗契丹及與繼遷相攻擊及繼遷內
附黃羅懼北徙過黃河今還舊地遂入貢且言繼遷
既受朝命不敢侵伐上面加獎慰賜賚甚厚十二月
詔直蕩族大首領鬼啜尾于金家堡置渡令諸族互

市二年五月以咩逋族開道使泥埋領費州刺史十月以勒浪族十六府大首領歸德大將軍恩州刺史馬泥領本州團練使十一月藏才八族大首領皆賞羅等來獻名馬四年七月以會州刺史乜遇爲保順郎將蘇家族屈尾鼻家族都慶白馬族埋香韋移族都香爲安化郎將九月環州言繼遷所掠羌族鬼逋等徙帳來歸又繼遷諸羌族明葉示及撲咩訛猪等首領率屬內附並令給善地處之其年卑寧族首領喝鄰半祝貢名馬自稱有精騎三萬願備驅策有詔慰獎厚償其直五年咩逋族開道使費州刺史泥埋

遣子城逋入貢上嘉泥埋數與繼遷戰間有勞授錦州團練使以其族弟屈子爲懷化將軍克本族指揮使城逋爲歸德將軍克本族都巡檢使餘首領署軍主以下名識者凡十數人又以黑山北莊卽族龍移爲安遠大將軍昧克爲懷化將軍八月河西教練使李榮等向化其年寇寇抄金明縣李繼周擊走之十月詔河西戎人歸投者遷內地給以閑田時勒厥麻等三族千五百帳以濁輪砦失守越河內屬分處邊境邊臣屢言勒厥麻往來賊中恐復叛夫乃徒買憲州樓煩縣遣使賜金帛撫慰十二月咩逋族遣使來

貢上聞賀蘭山有小涼大涼族甚盛常恐與繼遷合
勢為患近知互有疑隙輒相攻掠朝廷欲逐撫之乃
召問咩逋使者因其還特詔賜之以激其立効上又
謂樞密使王繼英等曰邊臣言遷賊舉兵屢為龍移
昧克所敗此族在黃河北數萬帳或號莊節昧克常
以馬附截才入貢頗勤外禦六年遂降詔獎慰之二
月葉市族囉埋等持繼遷偽署牒率百餘帳未歸以
囉埋為本族指揮使囉胡為軍使邠寧部署言牛羊
蘇家等族殺繼遷族帳有功上曰此族恃遠與險久
為賊援屢遣邊吏招諭近聞有志內附尚疑其詐果

能格鬪立効詔厚賜首領等茶絲以獎激之涇原部
署言者龍移卑陵山首領厮敦琶遣使稱已集本族
騎兵願隨軍討賊三月以咩逋族首領泥埋領鄯州
防禦使充靈州河外五鎮都巡檢使時潘羅支已授
河西節制上以泥埋實與羅支犄角捍賊故加恩寵
是月綏州羌部軍使拽白等百九十五口內屬原州
熟戶裴天下等請率族兵掩擊遷黨移湖等帳來求
策應部署司不報上以戎人宣力禦賊不應沮之卽
詔諭諸路以精甲策應環州酋長蘇尚娘擊賊有勞
及屢告賊中機事以為臨州刺史賜錦袍銀帶環慶

部署張凝言內屬戎人與賊界錯居屢爲脅誘臣領
兵離木波鎮直奏八州原下砦招降岑移等三十二
族又至分水嶺降麻謀等二十一族柔遠鎮降巢迷
等二十族遂抵業樂降馱樹羅家等一百族合四千
八十戶第給袍帶物綵慰遣還帳四月繼遷寇洪德
砦酋長慶香與訖馱慶族合勢擊之以砦兵策援大
敗繼遷擒四十九人墜崖死者甚衆獲馬七十餘匹
旗鼓鎧甲數百計上考陣圖以問入奏使使者言砦
兵拒賊千餘步慶香等親率部族與賊接戰上曰慶
香等假王師爲援而交鋒俘獲乃其功也悉與所獲

物加賜銀綵以慶香領順州刺史訖馱慶領羅州刺
史河西內屬折勒厥麻等三族請以精兵千人馬三
百備征討詔嵐州撫諭環州白馬族與繼遷戰鬪屢
徙帳乏食賜廩粟又詔洪德砦歸附戎人給內地土
田資以口糧五月唐龍鎮上言鎮有貿易于府州者
爲州人邀殺盡奪資畜乃詔府州自今許令互市切
加存撫六月瓦窰沒劑如羅昧克等族濟河擊敗繼
遷黨優詔撫問七月補狸野族首領子阿宜爲懷安
將軍八月原渭等州言本界戎人來附者八部二十
五族今請吏納質以環州蘇尚娘子孽娘爲臨州刺

史府州八族都校明義等言屢于麟州屈野川擊繼
遷及緣邊六七柵防遏皆有克獲詔獎賚之仍令府
州常以勁兵援助勿失機便景德元年正月麟府路
言附契丹戎訟泥族拔黃太尉率三百餘帳內屬拔
黃本大族居黃河北古豐州前數犯邊阻市馬之路
其首領容貌甚偉有智勇桀黠難制契丹結之署爲
太尉今悉衆款塞詔府州厚賜茶絲給公田依險居
之計口賦粟且戒唐龍鎮無得侵擾三月宋師恭破
羌賊於柳谷川驅其帳族千餘人以還六月洪德砦
言羌裕羅泥天王等首領率屬來附八月野雞族侵

掠環慶界詔邊臣和斷如其不從則脅以兵威九月
鎮戎軍言先叛去熟魏族酋長茄羅兀賊成王等三
族應詔撫諭各率屬來歸二年熟戶旺家族擊夏兵
擒軍主一人以獻環州言戎人入寇擊走之擒酋將
慶多者送闕下請斬于橐街上特貫死配淮南原州野
狸族首領廝多逋丹卒其子阿酌代爲首領且乞奉
料詔諭以立功則賜之三年府州折惟昌言兀泥族
大首領名崖從父盛佶爲趙德明白池軍主密遣使
諭名崖云德明雖外託脩貢之名而點閱兵馬尤急
必恐劫掠山界名崖以告上嘉之降詔撫諭就賜錦

袍銀帶九月秦州言野兒和尚族部落尤大能稟朝命凡諸族爲寇盜者輒遏絕之請加族補三砦都首領十一月鎮戎軍曹瑋言叛去酋長蘇尚娘復求歸附詔報瑋曰尚娘反覆無信特恐徂詐以誤邊吏又使德明緣此爲詞不可納也四年唐龍鎮羌族來美與其叔璘不叶召契丹破之來依府州璘美非大族嘗持兩端頃亦寇鈔近界發兵趣之則走河之東曰東壩契丹加兵則入河之西曰西壩地極險阻介卒騎兵所不能及至是上亦憫其窮而款塞特優容之會契丹使至卽令諭其事仍還所掠璘美人畜其

族人懷正又與璘互相讐劫側近帳族不寧詔遣使召而盟之依本俗法和斷大中祥符元年鄜延鈐轄言小湖臥浪族軍主最處近塞往時出師皆命爲前鋒甚著誠節詔補侍禁二年六月麟府鈐轄言杜慶族依援唐龍鎮數侵別帳請發熟戶兵擊之上曰戎落皆吾民也宜以道撫之不許其年九泥族大首領名崖同府州折惟昌入貢上親加撫間特詔副都知張繼能賜射於瓊林苑四年藏才西族中族首領奴移橫全等並遣子來朝五年環慶熟戶有酗酒劫奪使臣馬纓者上怒令部署司重罰之六年北界尅山

軍生率衆過大里河侵熟戶爲羅勒族都囉擊走之
詔以都囉爲本族指揮使且諭邊臣約飭族帳謹守
疆界勿出境追襲九月夏州略去熟戶旺家族首領
都子等來歸隨而至者又三族遣使存勞之七年涇
原鈐轄曹瑞請署熟戶百帳以上大首領爲大族軍
主次指揮使又次副指揮使百帳而下爲本族指揮
使從之五月瑋言葉市族大首領艷奴歸順七月瑋
又言北界萬子族謀鈔略發兵逆之大敗于天麻川
又爲魏理等族掩擊殺其酋帥斬首千餘級八年北
界酋長指揮使浪梅娘等來投諭邊臣令追取熟戶

亡入北界者卽遣還梅娘九年羌兵寇小力族巡檢
李文貞率兵奮擊追斬籍遇大保首級賜文貞錦袍
銀帶五月北界毛尸族軍主浪埋骨咩族酋長吼唱
巢迷族酋長馮移埋率其屬千一百九十口牛馬雜
畜千八百歸附降詔撫之天禧元年環州言北界騎
兵數千來剽熟戶擊走之二年涇原路言樊家族九
門都首領客廝鐸內屬以廝鐸爲軍主三年鄜延路
言亡去熟戶委乞等六百九十五人及骨咩大門等
族來歸四年正月又言宥州羌族臘兒李衆劫熟戶
咩魏族金明都監李士彬擊之斬臘兒等七十二級

宋史列傳卷二百五十一
二十四
俘餘衆獲甲馬三百餘五月小湖族都虞候啞鬼巡
檢胡懷節等擊賊有功並進秩環州七日族軍主近
臆納質歸化以近臆領順州刺史首領惹都等十五
人補官有差七月撲咩族馬訛等率屬來附十月以
淮安鎮六族都軍主乞埋爲三班借職充羌部巡檢
五年北界羅骨等劫剽熟戶環慶部署田敏追擊之
俘獲甚衆詔獎敏等賜器幣

列傳卷第二百五十

列傳卷第二百五十一

宋史四百九十二

開府儀同三司上柱國鄜州軍事前中書丞相鄜州國史領經筵事都總裁長脫等奉

勅修

外國八

吐蕃

喃斯囉
暗征

董禮
趙思忠

阿里骨

吐蕃本漢西羌之地其種落莫知所出或云南京禿
髮利鹿孤之後其子孫以禿髮為國號語訛故謂之
吐蕃唐貞觀後常來朝貢至德後因安史之亂遂陷
河西隴右之地大中三年其國宰相論恐熱以秦原
安樂及石門等七關來歸四年又克成維扶三州五

年其國沙州刺史張義潮以瓜沙伊肅十一州之地
來獻唐末瓜沙之地復為所隔然而其國亦自衰弱
族種分散大者數千家小者百十家無復統一矣自
儀渭涇原環慶及鎮戎秦州暨于靈夏皆有之各有
首領內屬者謂之熟戶餘謂之生戶涼州雖為所隔
然其地自置牧守或請命於中朝天成中權知西涼
府留後孫超遣大將拓拔承誨來貢明宗召見承誨
云涼州東距靈武千里西北至甘州五百里舊有鄆
人二千五百為戍兵及黃巢之亂遂為阻絕超及城
中漢戶百餘皆戍兵之子孫也其城今方幅數里中

有縣令判官都押衙都知兵馬使衣服言語略如漢
人即授超涼州刺史充河西軍節度留後乾祐初超
卒州人推其土人折逋嘉施權知留後遣使來貢即
以嘉施代超為留後涼州郭外數千里尚有漢民陷
沒者耕作餘皆吐蕃其州帥稍失民情則衆皆嘯聚
城內有七級木浮圖其帥急登之給其衆曰爾若迫
我我即自焚於此矣衆惜浮圖乃盟而舍之周廣順
三年始以申師厚為河西節度師厚初至涼州奏請
授吐蕃首領折逋支等官並從之顯德中師厚為其
所迫擅還朝坐貶涼州亦不復命帥建隆二年靈武

五部以橐駝良馬致貢來離等八族酋長越嵬等護送入界勅書獎諭秦州首領尚波干傷殺采造務卒知州高防捕繫其黨四十七人以狀聞上乃以吳廷祚為雄武軍節度代防安輯之今廷祚齎勅書賜尚波干等曰朝廷制置邊防撫寧部落務令安集豈有侵漁曩者秦州設置三砦止以采取材木供億京師雖在蕃漢之交不妨牧放之利汝等占據木植傷殺軍人近得高防奏汝等見已拘執聽候進止朕以汝等久輸忠順必悔前非特示懷柔各從寬宥已令吳廷祚往伸安撫及還舊地所宜共體息育各歸本州

仍以錦袍銀帶賜之尚波干等感悅是年秋乃獻伏羌地乾德四年知西涼府折逋葛支上言有回鶻二百餘人漢僧六十餘人自朔方路來為部落劫略僧云欲往天竺取經並送達甘州訖詔褒答之五年首領閭逋哥督廷督南割野麻里六人來貢馬開寶六年涼州令步奏官僧吝檀聲逋勝拉蠲二人求通道於涇州以申朝貢詔涇州令牙將至涼州慰撫之八年秦州大石小石族寇土門略居民知州張炳擊走之太平興國二年秦州安家族寇長山巡檢使韋韜擊走之三年秦州諸族數來寇略三陽麻穰弓門等

若監軍巡檢使周承瑨任德明耿仁恩等會兵擊敗之斬首數十級腰斬不用命卒九人于境上太宗乃詔曰秦州內屬三族等頃慕華風聿求內附俾之安輯咸遂底寧近聞乘蕃育之資稔寇攘之志敢忘大惠來撓邊疆豈朕信之未孚而吏撫之不至並蠲釁咎特示威懷今後或更剽剽吏卽捕治寘之于法不須以聞是年又寇八狼砦巡檢劉崇讓擊敗之梟其帥王泥猪首以徇三月小遇族寇慶州知州慕容德豐擊走之八年諸種以馬來獻太宗召其酋長對于崇政殿厚加慰撫賜以束帛因謂宰相曰吐蕃言語

不通衣服華制朕常以禽獸畜之自唐室以來頗爲邊患以國家兵力雄盛聊舉偏師便可驅逐數千里外但念其種類蕃息安土重遷倘因攘除必致殺戮所以置於度外存而勿論也九年秋秦州言蕃部以羊馬來獻各已宴犒欲用茶絹荅其直詔從之淳化元年秦州大小馬家族獻地內附二年權知西涼州左廂押蕃落副使折逋阿喻丹來貢先是殿直丁惟清往涼州市馬惟清至而境大豐稔因爲其所留靈州命蕃落軍使崔仁遇往迎惟清又吐蕃賣馬還過靈州爲党項所略表訴其事因請留惟清至來年同

入朝詔答之四年阿喻丹死以其弟喻龍波爲保順
郎將代其任五年折平族大首領護遠州軍鑄督延
巴率六谷諸族馬千餘匹來貢旣辭復櫛登聞鼓言
儀州八族首領逋波鷄等侵奪地土上降勅書告諭
之知秦州溫仲舒上言每歲伐木多爲蕃族攘奪今
已驅其部落於渭北太宗慮生邊患乃以知鳳翔薛
惟吉對易其任語見惟吉傳是年春知西涼府左廂
押蕃落副使折逋喻龍波振武軍都羅族大首領並
來貢馬至道元年涼州蕃部當尊以良馬來貢引對
慰撫加賜當尊虎皮一歡呼致謝二年四月折平族

首領握散上言部落爲李繼遷所侵願會兵靈州以
備討擊賜幣以答之七月西涼府押蕃落副使折逋
喻龍波上言蕃部頻爲繼遷侵略乃與吐蕃都部署
沒暇拽于會六谷蕃衆來朝且獻名馬上厚賜之是
歲涼州復來請帥詔以丁惟清知州事賜以牌印咸
平元年十一月河西軍左廂副使歸德將軍折逋游
龍鉢來朝游龍鉢四世受朝命爲酋雖貢方物未嘗
自行今始至獻馬二千餘匹河西軍卽古涼州東至
故原州千五百里南至雪山吐谷渾蘭州界三百五
十里西至甘州同城界六百里北至部落三百里周

回平川二千里舊領姑臧神鳥蕃禾昌松嘉麟五縣戶二萬五千六百九十三口十二萬八千一百九十三令有漢民三百戶城周四十五里如鳳形相傳李軌舊治也皆龍鉢自述云詔以龍鉢爲安遠大將軍二年以儀州延蒙八部都首領渴哥領化州刺史首領透逋等爲懷化郎將四年知鎮戎軍李繼和言西涼府六谷都首領潘羅支願戮力討繼遷請授以刺史仍給廩祿經略使張齊賢又請封六谷王兼招討使上以問宰相皆曰羅支已爲首帥授刺史太輕未領節制加王爵非順招討使號不可假外夷乃以爲

鹽州防禦使兼靈州西面都巡檢使時西涼使來且言六谷分左右廂左廂副使折逋游龍鉢實參羅支戎事朝廷方務綏懷又以龍鉢領宥州刺史六族首領褚下箕等三人爲懷化將軍其年潘羅支遣部下李萬山率兵討賊貽書繼和請師期先是遣宋沆梅詢等爲安撫副使未行上謂宰相曰朕看盟會圖頗記吐蕃反覆狼子野心之事今已議王超等領甲馬援靈州若難爲追襲卽靈州便可制置沆等不須遣止走一使以會兵告之五年十月羅支又言賊遷送鐵箭誘臣部族已戮一人繫一人聽朝旨詔褒諭之

聽自處置十一月使來貢馬五千匹詔厚給馬價別
賜綵百段茶百斤六年又遣咩逋族蕃官成逋馳騎
至鎮戎軍請會兵討賊邊臣疑成逋詐護送部署司
成逋懼逸馬墜崖死上聞甚歎息之曰此泥埋之子
族人畏其勇父子皆有戰功凡再詣闕朕皆召見獎
其向化詔劾鎮戎官吏仍令渭州以禮葬之其年原
渭蕃部三十二族納質來歸羅支又遣蕃官吳福盛
臘來貢表言感朝廷恩信憤繼遷倔疆已集騎兵六
萬乞會王師收復靈州乃以羅支爲朔方軍節度靈
州西面都巡檢使賜以鎧甲器幣又以吳福聖臘爲

安遠將軍次首領元佐等七人爲懷化將軍羅支屢
請王師助擊賊議者以西涼去渭州限河路遠不可
預約師期上曰繼遷常在地斤三山之東每來寇邊
及官軍出則已遁去使六谷部族近塞捍禦與官軍
合擊亦國家之利降詔許之六月知渭州曹瑋言隴
山西延塞族首領禿逋等納馬立誓乞隨王師討賊
以漢法治蕃部且稱其忠詔授本族軍主八月者龍
族首領來貢名馬上嘉嘗與潘羅支協力抗賊令復
優待之其年十一月繼遷攻西蕃遂入西涼府知州
丁惟清陷沒羅支僞降未幾集六合諸豪及者龍族

合擊繼遷繼遷大敗中流矢遁歿景德六年二月遣其甥廝陀完來獻捷六月又遣其兄邦逋支入奏且欲更率部族及回鶻精兵直抵賀蘭山討除殘孽願發大軍援助詔涇原部署陳興等候羅支已發卽率衆鼓行赴石門策應邦逋支又言前賜羅支牌印官告衣服器械爲賊劫掠有詔別給羅支又言脩洪元大雲寺詔賜金箔物綵先是繼遷種落迷般囑及日逋吉羅丹二族亡歸者龍族而欲陰圖羅支是月會遷黨攻者龍羅支率百餘騎急赴將議合擊遂爲二族戕于帳詔贈羅支武威郡王遣使贈恤其家者龍

凡十三族而六族附迷般囑及日逋吉羅丹西涼府

旣聞羅支遇害乃率龕谷蘭州宗哥貢諾諸族攻者

龍

六族

悉竄山谷中詔使者安集之六谷諸豪乃議

立羅支弟廝鐸督爲首領且言鐸督剛決平恕每會

戎首設觴豆飲食必先卑者犯令雖至親不貸數更

戰討威名甚著詔授鐸督鹽州防禦使靈州

西面都沿邊

大巡檢使上以遷黨未平藉其腹背攻制遂加鐸督

朔方軍節度押蕃落等使西涼府六谷大首領涇原

路言隴山縣王狸延三族歸順又渭州言龕谷懶家

族首領尊氊磨壁余龍及便囑等獻名馬願率所部

助討不附者又言西涼市馬道出本族自今保無他
虞詔賜馬直以便囑等爲郎將石隰州又言河西諸
蕃四十五族內附其年遷黨寇永寧爲藥令族合蘇
擊敗之斬首百餘級鎮戎軍上言先叛去蕃官茄羅
兀賊成王等三族及散移軍主率屬歸順請獻馬贖
罪特詔宥之二年廝鐸督遣其甥呵昔來貢仍上與
趙德明戰鬪功狀又言蕃帳周斯那支有智勇又參
謀議請授以六谷都巡檢使上嘉獎從其請仍賜茶
絲又追錄潘羅支子失吉爲歸德將軍厚賜器幣者
龍七族首領有捍寇之勞並月給千錢舊制弓矢兵

器不入外夷時西涼樣丹族上表求市弓矢上以樣
丹宣力西陲委以捍蔽特令渭州給賜因別賜廝鐸
督以重恩意三年又以者龍族合窮波黨宗族業羅
等爲本族首領檢校太子賓客皆鐸督外姻也鐸督
遣安化郎將路黎奴來貢黎奴病于館特遣尚醫視
療及卒上憐之厚加贈給五月鐸督又言部落疾疫
詔賜白龍腦犀角硫磺安息香白紫石英等藥凡七
十六種使者感悅而去又制加鐸督檢校太傅其族
帳李波逋等四十九人爲檢校太子賓客充本族首
領鐸督遣所部波機進賣馬因言積官奉半歲乞就

京給賜市所須物從之渭州言妙娥延家熟鬼等族率三千餘帳萬七千餘口及羊馬數萬款塞內附詔遣使撫勞之賜以袍帶茶絲仍以折平族首領撒逋渴爲順州刺史克本族都軍主是年宗家當宗章迷族來貢移逋擦父族歸附九月詔釋西面納質戎人先是諸蕃有鈔劫爲惡嘗經和斷者恐異時復叛故收其子弟爲質乃有禁錮終身者上憫而縱之族帳感恩皆稽顙自誓不爲邊患四年邊臣言趙德明謀劫西涼襲回鶻上以六谷其州又推忠順思撫寧之乃遣使諭廝鐸督令援結回鶻爲備并賜鐸督茶藥

襲衣金帶及部落物有差鐸督奉表謝大中祥符元年十一月宗哥族大首領溫逋等來貢三年西涼府覓諾族瘴疫賜首領溫逋等藥四年廝鐸督遣贈蘭羶單來貢賜紫方袍五年又遣其子來貢其年者龍族都首領捨欽波遣使詣闕獻馬求賜印詔從其請仍優賚之七年知秦州張佶置大落門新砦先是佶欲近渭置采木場蕃族聞之卽徒帳去佶不能逐撫之戎人輒悔因鄉導鈔劫佶深入掩擊悉敗走至是求和佶不許三月秦州曹瑋言熟戶郭廝教賞樣冊皆大族樣冊輒作又法謀叛廝教密以告約半月殺

之至是果携樣冊首來上以廝敦陰害樣冊不欲明
加恩獎以疑懼諸族時方議築南使城遂以廝敦獻
地爲名詔授順州刺史先是張佶深入蕃境邊事數
優及瑋破魚角蟬戮賞樣冊二首由是前拒王師者
伏匿避罪瑋誘召之許納罰首過旣而至者數千人
凡納馬六千匹給以匹綵或以少爲訴者瑋叱之曰是
贖罪物汝輩敢希刹耶戎族聞之皆畏服八月曹瑋
言伏羌砦廝雞波與宗哥族李磨論聚爲文法領兵
趣之悉潰散夷其城帳九月瑋又言宗哥誦廝囉羌
族爲波叱臘魚角蟬等率馬銜山蘭州龕谷瓊毛山

洮河河州羌兵至伏羌砦三都谷卽率兵擊敗之逐
北二十里斬馘千餘級擒七人獲馬牛雜畜衣服器
仗三萬三千計吹麻城張族都首領張小哥以功授
順州刺史瑋又言永寧砦隴波池廝麻二族召納質
不從命率兵擊之斬首二百級十一月詔給秦州七
砦熟戶首領都軍主以下百四十六人告身天禧元
年詔以治坊砦都首領郭廝敦爲本族巡檢賦以奉
祿又補大馬家族阿廝鐸爲本族軍主十月秦州部
署言鬼留家族累歲違命討平之二年又言吹麻城
及河州諸族皆破宗哥文法來附誦廝囉少衰數爲

囉瞎力骨所困今還舊地諸若羌族及空俞廝雞波等納質者凡七百五十六帳

唃廝囉者緒出贊普之後本名欺南陵温錢逋錢逋猶贊普也羌語訛爲錢逋生高昌磨榆國旣十二歲河州羌何郎業賢客高昌見廝囉貌竒偉挈以歸置劄心城而大姓聳昌廝均又以廝囉居移公城欲於河州立文法河州人謂佛唃謂兒子廝囉自此名唃廝囉於是宗哥僧李立遵邈川大酋温逋哥略取廝囉如郭州尊立之部族寢彊乃徙居宗哥城立遵爲論逋佐之立遵或曰李遵或曰李立遵又曰郢成蘭

逋叱論逋者相也立遵貪且喜殺戮國人不附旣與曹瑋戰三都谷不勝又襲西涼爲所敗廝囉遂與立遵不協更徙邈川以温逋哥爲論逋有勝兵六七萬與趙德明抗希聖朝廷恩命知秦州張佖奏請拒絕涇原鈐轄曹瑋上言宜厚唃廝囉以扼德明而立遵屢表求贊普號朝議以贊普戎王也立遵居廝囉下不應安子乃用廝鐸督恩例授立遵保順軍節度使賜襲衣金帶器幣鞍馬鎧甲等大中祥符八年廝囉遣使來貢詔賜錦袍金帶器幣供帳什物茶藥有差凡中金七千兩他物稱是其年廝囉立文法聚衆數

十萬請討平夏以自效上以戎人多詐或生他變命周文質監涇原軍曹瑋知秦州兼兩路沿邊安撫使以備之宗哥城東南至永寧九百一十五里東北至西涼府五百里西北至甘州五百里東至蘭州三百里南至河州四百一十五里又東至龕谷五百五十里又西南至青海四百里又東至新渭州千八百九十里九年廝囉立遵等獻馬五百八十二匹詔賜器幣總萬二千計以答之數使人至秦州求內屬明道初卽授廝囉寧遠大將軍愛州團練使授逋哥歸化將軍已而逋哥爲亂囚廝囉置弇中出收不附已者守弇人間出之廝囉集兵殺逋哥徙居青唐景祐中以廝囉爲保順軍節度觀察留後歲以奉錢令秦州就賜元昊侵略其界兵臨河湟廝囉知衆寡不敵壁鄯州不出陰間元昊頗得其虛實元昊已渡河插幟志其淺廝囉潛使人移植深處以誤元昊及大戰元昊潰而歸士視幟渡溺死十八九所鹵獲甚衆自是數以奇計破元昊遂不敢窺其境及元昊取西涼府潘羅支舊部徃徃歸廝囉又得回紇種人數萬廝囉居鄯州西有臨谷城通青海高昌諸國商人皆趨鄯州貿易以故富强寶元元年加寶順軍節度使仍兼

邈川大首領時以元昊反遣左侍禁魯經持詔諭厮
囉使背擊元昊以披其勢賜帛二萬匹經還以勞擢
閣門祗候厮囉奉詔出兵嚮西涼西涼有備厮囉知
不可攻逋殺遊邏數十人亟還聲言圖再舉元昊既
屢寇邊仁宗召對魯經欲再遣經固辭貶經爲左班
殿直募敢使者屯田員外郎劉渙應詔渙至厮囉迎
導供帳甚厚介騎士爲先驅引渙至庭厮囉冠紫羅
氈冠服金線花袍黃金帶絲履平揖不拜延坐勞問
稱阿舅天子安否道舊事則數十二辰屬曰兔年如
此馬年如此渙傳詔已而厮囉召酋豪大犒約盡力

無負然終不能有大功後累加恩兼保順河西節度
使洮涼兩州刺史又加階勛檢校官功臣食邑賜器
幣鞍勒馬嘉祐三年捺羅部阿作等叛厮囉歸諒祚
諒祚乘此引兵攻掠境上厮囉與戰敗之獲酋豪六
人汝橐馳載馬頗衆因降龍逋公立馬頗三大族會
契丹遣使送女妻其少子董檀乃罷兵歸治平二年
夏羌邈奔及阿叔溪心以隴珠阿諾三城叛諒祚歸
厮囉厮囉不禮乃復歸諒祚請兵還取所獻地諒祚
不之罪爲出萬餘騎隨邈奔溪心往取不能克但取
邈川歸于家五百餘帳而還厮囉其年冬歿年六十

九第三子董羶嗣

董羶母曰喬氏廝囉三妻喬氏有色居歷精城所部可六十萬人號令明人憚服之方董羶少時擇酋長子年與董羶相若者與之遊衣服飲食如一以此罷附其衆董羶自九歲廝囉爲請于朝命爲會州刺史而喬氏封太原郡君其二妻皆李立遵女也生瞎羶及磨羶角立遵死李氏寵衰斥爲尼置郭州錮其子瞎羶磨羶角結母黨李巴全竊載其母奔宗哥廝囉不能制磨羶角因撫有其衆李氏以寶元二年恩賜紫衣磨羶角亦累奉貢初補嚴州團練使後以思州

團練使卒所部立其子瞎撒欺丁李氏懼孤弱不能守乃獻皮帛入庫廩文籍于廝囉廝囉因受之嘉祐三年命欺丁爲順州刺史瞎羶居龕谷屢通貢授澄州團練使先卒子木征居河州母弟瞎吳叱歸銀川廝囉地既分董羶最疆獨有河北之地其國大抵吐蕃遺俗也懷恩惠重財貨無正朔市易用五穀乳香礪砂罽毯馬牛以代錢帛貴虎豹皮用緣飾衣裘婦人衣錦服緋紫青綠尊釋氏不知醫藥疾病召巫覡視之焚柴聲鼓謂之逐鬼信呪詛或以決事訟有疑使詛之訟者上辭牘藉之以帛事重則以錦亦有鞭

答柎械諸獄具人喜啖生物無蔬茹醯醬獨知用鹽
為滋味而嗜酒及茶居板屋富姓以氊為幕多並水
為鞦韆戲貢獻謂之般次自言不敢有貳則曰心白
向漢云其後河州武勝軍諸族寢驕閉于闐諸國朝
貢道擊奪般次詔邊將問罪已而董氊遣使奉貢入
謝上慰納焉初廝囉死董氊嗣為保順軍節度使檢
校司空神宗即位加太保進太傅熙寧元年封其母
安康郡太君以其子蘭逋比為錦州刺史三年夏人
寇環慶董氊棄虛入其境大克獲賜繒書袍帶獎激
之王詔既定熙河其首領青宜結鬼章寇河州踏白

城景思立死焉帝命邊臣招來之十年以鬼章及阿
里骨皆為刺史董氊貢真珠乳香象牙玉石馬賜以
銀絲茶服緡錢改西平節度使遣供奉官郭英齊詔
書器幣至其國方鬼章犯境時列帳訥兒温及祿尊
率部族叛附之既來降又陰與董氊通元豐初詔知
岷州种諤集酋長斬之以妻女田產賜降將俞龍珂
二年遣景青宜党令支貢方物以令支為珍州刺史
賜董氊錢萬緡銀絲千計三年邈川城主温訥支郢
成及叔溪心弟阿令京等款塞以郢成為會州團練
使溪心內殿崇班令京西頭供奉官餘族人皆殿直

奉職四年王師討夏會其兵董氊遣酋長抹征等率
三萬人赴党龍耳江及隴朱珂諾又集六部兵十二
萬約以八月分三路與官軍會帝以其協濟軍威事
功可紀由常樂郡公進封武威郡王鬼章阿里骨党
令支皆團練使心牟欽氊阿星李叱臘欽爲刺史夏
人欲與之通好許割賂斫龍以西地云如歸我卽官
爵恩好一如所欲董氊拒絕之訓整兵甲以俟入討
且遣使來告帝召見其使使歸語董氊盡心守圉每
稱其上書情辭忠智雖中國士大夫存心公家者不
過如此知邈川事力固不足與夏人抗但欲解散其

謀使不與結和而已故終不能大有功哲宗立加檢
校太慰元祐元年卒蘭通叱已死養子河里骨嗣
阿里骨本子闐人少後其母給事董氊故養為子元
豐蘭州之戰最有功白肅州團練使進防禦使董氊
病革召諸酋領至青唐謂曰吾一子已死惟阿里骨
母嘗事我我視之如子今將以種落付之何如諸酋
聽命既嗣事遣使修真元祐元年以起復冠軍大將
軍檢校司空為河西軍節度使封寧塞郡公里骨頗
峻刑殺其下不遑寧詔飭以推廣息信副朝廷所以
封立前人所以付與之意二年遂逼鬼章使率衆拒

洮州羌結藥密者使所部怯陵來告里骨執法陵結
藥密懼携妻子南歸鬼章又使其子結吼齧入寇心
牟欽氈温溪心不肯從詔以二人為團練使八月鬼
章就擒檻送京師尋赦之授陪戎校尉遣啓秦州聽
招其子以自贖明年里骨奉表謝罪詔熙河無復出
兵許貢奉如故加金紫光祿大夫檢校太保其郭州
主魯尊欲焚拆河橋歸漢熙州以聞哲宗以里骨既
通貢不可有納叛之名欲弗納又封其妻溪尊勇丹
為安化郡君子邦彪錢為鄯州防禦使弟南納支為
西州刺史鬼章死詔焚付其骨詔聖元年以師子來

獻帝慮非其土性厚賜而還之三年卒年五十七

瞎征嗣

瞎征即邦彪錢也以詔聖四年正月為河西軍節度使

檢校司空寧塞郡公性嗜殺部曲睽貳大酋心牟欽

氈之屬有異志忌瞎征季父蘇南党征雄勇多智共

誣其謀逆瞎征不能察而殺之盡誅其黨獨錢羅結

逃奔溪巴温溪巴温者董氈踈族也自阿里骨之立

去依隴逋部河南諸羌多歸之錢羅結奉溪巴温長

子杓搆據溪哥城瞎征討殺杓搆錢羅結奔河州說

王贍以取青唐之策已而温入溪哥城自稱王子元

符二年七月贍取邈川八月贍征自青唐脫身來降
欽氈迎溪巴温入青唐立木征之子隴拶為主九月
贍軍至青唐隴拶出降以邈川為湟州青唐為鄯州
二酋雖降然其種人本無歸漢意議者謂今不先脩
邈川以東城障而遽取青唐非計也以今日觀之有
不可守者四自炳靈寺渡河至青唐四百里道險地遠
緩急聲援不相及一也羌若斷橋塞隘我雖有百萬
之師倉卒不能進二也王贍提孤軍以入四無援兵
必生他變三也設遣大軍而青唐宗哥邈川食皆止
支一月內地無糧可運難以久處四也官軍自會到

還者皆憔悴衣履穿決噐仗不全光視之有輕漢心
旦夕必叛閏九月欽氈等果與青唐城中人相結謀
復奪城山南諸羌亦叛贍遣將破之戮結唃靬及欽
氈等九人青唐圍解而邈川益急夏人十萬助之總
管王愍以歿戰固守乃得免贍棄青唐歸巴温與其
子溪賒羅撒據之朝諭請并棄邈川且謂董氈無後
隴拶乃木征之子唃廝囉嫡曾孫最為親的於是以
隴拶為河西軍節度使知鄯州封武威郡公充西蕃
都護依府州折氏世世承襲尋賜姓名曰趙懷德其
弟邦辟勿丁唃曰懷義為廓州團練使同知湟州加

瞎征校尉太傅懷遠軍節度使三年三月懷德及所
降契丹夏國回鶻公主入見各賜冠服退易之于邈
英閣前後立班謝賜食於橫門徽宗命輔臣呼與語
問何以招致溪巴溫對曰譬如乳牛繫其子卽母須
來繫其母卽子須來候至岷州當遣人往諭使之歸
漢遂與瞎征俱還湟州溪賒羅撒謀襲殺懷德懷德
奪河南瞎征不自安求內徙詔居鄧州崇寧元年卒
三年王厚復湟鄯懷德至京師拜感德軍節度使封
安化郡王

趙思忠卽瞎氈之子木征也瞎氈歿木征不能自立

青唐族酋瞎樂雞囉及僧鹿遵迎之居洮州欲立以
復洮岷疊宕武勝軍諸羌秦州以其近邊逐之乃還
河州後徙安江城董氈欲羈屬之不能有也母弟瞎
吳叱別居銀川有聶家山至和初捕本族副軍主嘉
祐中河州刺史王韶經略熙河遣僧智圓往說之啖
以厚利因隨以兵前後殺其老弱數千焚族帳萬數
得腹心酋領十餘人又禽其妻子皆不殺遂以熙寧
七年四月舉洮河二州來降賜以姓名拜榮州團練
使封其母郢成結遂寧郡大夫人妻包氏咸寧郡君
弟董合賜名繼忠補六宅副使結吳延征賜名濟忠

賸吳叱曰紹忠巴氍角曰醇忠巴氍抹曰存忠長子
邦辟勿丁呢曰徒義次蓋呢曰棟義皆超拜官以思
忠爲秦州鈐轄不蒞事而乞主熙河羌部經略司以
爲不可詔以二州給地五十頃後遷合州防禦使卒
贈鎮洮軍節度觀察留後

列傳卷第二百五十一

列傳卷第二百五十二

宋史四百九十三

開府儀同三司上柱國錄軍國重事前中書右丞相監修國史領經筵事都總裁臣脫脫等奉
勅修

蠻夷一

西南溪峒諸蠻上

古者帝王之勤遠略耀兵四裔不過欲安內而捍外
爾非所以求逞也西南諸蠻夷重山複嶺雜厠荆楚
巴黔巫中四面皆三士乃欲揭上腴之征以取不毛
之地疲易使之衆而得梗化之民誠何益哉衝其酋
長使自鎮撫始終蠻夷遇之斯計之得也然無經久

之策以眩馭之往鼯之性便於跳梁式以讐隙相尋或以饑饉所逼長嘯而起出則衝突州縣入則負固山林致傾輿師討捕雖能殄除而斯民之荼毒深矣宋恃文教而略武衛亦豈先王制荒服之道哉西南溪峒諸蠻皆徑夸種唐虞爲要服周世其衆彌盛宣王命方叔伐之楚莊旣霸遂服於楚秦昭使白起伐楚略取蠻夷置黔中郡漢改爲武陵後漢建武中大爲寇鈔遣伏波將軍馬援等至臨淮擊破之渠帥飢困乞降歷晉宋齊梁陳或叛或服隋置辰州唐置錦州溪州巫州叙州皆其地也唐季之亂蠻酋分據其地

自置爲刺史晉天福中馬希範承襲父業據有湖南時蠻徭保聚依山阻江殆十餘萬至同行逢時數出寇邊逼辰永二州殺掠民畜無寧歲太祖旣下荆湖思得通蠻情習險阨勇智可任者以鎮撫之有辰州徭人秦再雄者長七尺武健多謀在行逢時屢以戰鬪立功蠻黨伏之太祖召至闕下察其可用擢辰州刺史官其子爲殿直賜予甚厚仍使自辟吏屬予一州租賦再雄感恩誓歃報效至州日訓練土兵得三千人皆能被甲渡水歷山飛塹捷如猿猱又選親校二十人分使諸蠻以傳朝廷懷來之意莫不從風而

靡各得降表以聞太祖大喜復召至闕面加獎激改辰州團練使又以其門客王允成爲辰州推官再雄盡瘁邊圉五州連袤數千里不增一兵不費帑庾終太祖世邊境無患又有溪州刺史彭士愁等以溪錦獎州歸馬氏立銅柱爲界建隆四年知溪州彭允林前溪州刺史田洪贊等列狀歸順詔以允林爲溪州刺史洪贊爲萬州刺史允林卒以其子師皎代爲刺史四月水鬪都虞候林抱義上辰叙二州圖乾德二年四月溪叙獎等州民相攻劫遣殿直牛允齋詔諭之乃定三年七月珍州刺史田景千內附五溪團練使

洽州刺史田處崇上言湖南節度馬希範建敘州潭陽縣爲懿州署臣叔父萬盈爲刺史希範卒其弟希萼襲位改爲洽州願復舊名詔從其請十二月詔溪州宜充五溪團練使刻印以賜之四年南州進銅鼓內附下溪州刺史田思遷亦以銅鼓虎皮麝臍來貢五年冬以溪州團練使彭允足爲濮州牢城都指揮使溪州義軍都指揮使彭允賢爲衛州牢城都指揮使珍州錄事參軍田恩曉爲博州牢城都指揮使允足等溪峒酋豪據山險持兩端故因其入朝而置之內地開寶元年珍州刺史田景遷言本州連歲災沴

乞改爲高州從之八年景遷卒其子衙內都指揮使
彥伊來請命卽以爲刺史九年獎州刺史田處達以
丹砂石英來貢太平興國二年懿州刺史五溪都團
練使田漢瓊以其子弟女夫大將五溪統軍都指揮
使田漢度而下十二人來貢詔並加檢校官以獎之
三年夷州蠻任朗政等來貢七年詔辰州不得移部
內馬氏所鑄銅柱溪州刺史彭允殊上言刺史舊三
年則爲州所易望朝廷禁止賜勅書安撫之八年錦
溪敘富四州蠻相率詣辰州言願比內郡輸租稅詔
長吏察其謠俗情僞並按視山川地形圖畫來上卒

不許懿州刺史田漢瓊錦州刺史田漢希上言願兩
易其地詔從之又以知叙州舒德郭爲刺史雍熙元
年黔南言溪峒夷獠疾病擊銅鼓沙鑼以祀神鬼詔
釋其銅禁淳化二年知晃州田漢權言本管砂井步
夷人粟忠復古晃州印一鈕來獻因請命以漢權爲
晃州刺史又以五溪諸州統軍鶴州刺史向通漢爲
富州刺史從其請也是年荆湖轉運使言富州向萬
通殺皮師勝父子七人取五藏及首以祀魔鬼朝廷
以其遠俗令勿問三年晃州刺史田漢權錦州刺史
田保全遣使來貢五年以舒德郭言爲元州刺史獎

晁叙懿元錦費福等州皆來貢上親視噐幣以賜之
至道元年高州溪州並來貢二年上親祀南郊富州
刺史向通漢上言聖人郊祀恩浹天壤况五溪諸州
連接十峒控西南夷戎之地惟臣州自若至今爲辰
州墻壁障護辰州五邑王民安居臣雖僻處遐荒洗
心事上伏望陛下察臣勤王之誠因茲郊禮特加真
命詔加通漢檢校司徒進封河內郡侯咸平元年通
漢又言請定租賦真宗以荒服不征弗之許其年古
州刺史向通展以芙蓉朱砂二噐馬十匹水銀千兩
來獻詔有司鑄印以賜通展二年以下溪州刺史彭

允殊爲右千牛衛將軍致仕以其姪太勇爲刺史三
年高州刺史田彥伊遣子貢方物及輸兵噐四年其
酋向君猛又遣弟君泰來朝上溪州刺史彭文慶來
貢水銀黃蠟五年正月天賜州蠻向永豐等二十九
人來朝夔州路轉運使丁謂言溪蠻入粟實緣邊砦
柵頓息施萬諸州饋餉之弊臣觀自昔和戎安邊來
有境外轉糧給我戍兵者先是蠻人數擾上召問巡
檢使侯廷賞廷賞曰蠻無他求唯欲鹽爾上曰此常
人所欲何不與之乃詔諭丁謂謂卽傳告陬落羣蠻
感悅因相與盟約不爲寇鈔負約者衆殺之且曰天

子濟我以食益我願輸與兵食自是邊穀有三年之積七月高州刺史田彥伊子承寶等百二十二人來朝賜巾服器幣以承寶爲山河使九溪十洞撫諭都監六年四月丁謂等言高州義軍務頭角田承進等擒生蠻六百六十餘人奪所略漢口四百餘人初益州軍亂議者恐緣江下峽乃集施黔高溪蠻豪子弟捍禦羣蠻因熟漢路寇略而歸謂等至卽召與盟令還漢口旣而有生蠻違約謂遣承進率衆及發州兵擒獲之焚其室廬皆震懼伏罪謂乃置尖木砦施州界以控扼之自是寇鈔始息邊溪峒田民得耕種七月

南高州義軍指揮使田彥強防虞指揮使田承海來貢施州叛蠻譚仲通等三十餘人來歸景德元年高州五姓義軍指揮使田文鄩來貢富州刺史向通漢遣使潭州營佛事以報朝廷存卹之惠二年瓊州路降蠻首領皆自署職名請因而命之上不許第令次補牙校是歲辰州諸蠻攻下溪州爲其刺史彭儒猛擊走之擒酋首以獻詔賜儒猛錦袍銀帶儒猛自陳母老願被恩典詔特加邑封十二月荆湖北路言溪峒圍練使彭文綰送還先陷漢口五千人詔授文綰檢校太子賓客知中彭州其年懿州刺史田漢希

卒以其子漢能爲刺史三年高州新附蠻酋八十九人來貢五溪都防禦使向通漢表求追贈父母從之溪州刺史彭文慶率溪峒羣蠻來朝又高州諸名豪百餘人入貢四年五月以高州刺史田彥伊子承寶爲寧武郎將高州主軍都指揮使田思欽爲安化郎將其年宜州軍亂朝廷恐宜融溪峒因緣侵擾因降詔約勒首領皆奉詔部分種族無敢輒動大中祥符元年夔州路言五團蠻嘯聚謀劫高州欲令暗利砮援之上以蠻夷自相攻不許發兵三月知元州舒君強知吉州向光普並加銀青光祿大夫檢校太子賓

客八月黔州言磨嗟洛浦蠻首領龔行滿等率族二千三百人歸順十月溪峒諸蠻獻方物于泰山三年澧州言慈利縣蠻相讐劫知州劉仁霸請率兵定之上恐深入蠻境使其疑懼止令仁霸宣諭詔旨遂皆感服四年安遠順南永寧濁水州蠻酋回承曉等三百七十三人來貢五年詔昨許溪峒蠻夷歸先劫漢口及五十人者特署職名仍聽來貢如聞緣此要利輒掠邊民充數所在切辨察之其年夔蠻千五百人乞朝貢上慮其勞費不許又詔施州溪蠻期望犒以酒穀閏十月五溪蠻向貴升及磨嗟洛浦蠻來貢六

年夔州蠻彭延暹龔才晃等來貢辰州溪峒都指揮使魏進武率山瑶數百人數寇城砦朝廷不欲發兵窮討乃降詔招諭七年進武詣吏請罪署爲三班借職監房州稅仍賜裝錢八年詔中彭州彭文綰歲賜錦袍天禧元年溪州蠻寇擾遣兵討之二年辰州都巡檢使李守元率兵入白霧圍擒蠻寇十五人斬首百級降其酋二百餘人知辰州錢絳等入下溪州破砦柵斬蠻六十餘人降老幼千餘刺史彭儒猛亡入山林執其子仕漢等赴闕詔高州蠻捕僞猛來獻者厚加賞典其年儒猛因順州蠻田彥晏上狀本路自訴

求歸轉運使以聞上哀憐之特許釋罪儒猛乃奉上所略民口器甲詔辰州通判劉中象召至明灘與軟血要盟遣之詔以仕漢爲殿直儒霸儒聰爲借職賜冠帶緡帛富州刺史向通漢率所部來朝貢名馬丹砂銀裝劍槩兜鍪彩牌等物詔賜襲衣金帶鞍勒馬并其子光澤以下器幣有差特許通漢五日一朝踰月通漢上五溪地理圖願留京師上嘉美之特授通漢檢校太傅本州防禦使還賜疆土署其子光澤等三班職名通漢再表欲留京師不允乃爲光澤等求內地監臨及言歲賜衣願使者至本任並從之旣辭

又賜以襲衣金帶三年通漢卒以其子光憲知州事其後光澤不為親族所容上表納土上察其意不許四年知古州向光普遣使鼎州營僧齋以祝聖壽初北江蠻酋最大者曰彭氏世有溪州州有三曰上中下溪又有龍賜天賜忠順保靜感化永順州六懿安遠新給富來寧南順高州十一總二十州皆置刺史而以下溪州刺史兼都誓主十九州皆隸焉謂之誓下州將承襲都誓主率羣酋合議子孫若弟姪親黨之當立者具州名移辰州為保證申鈐轄司以聞乃賜勅告印符受命者隔江北望拜謝州有押案副使

及校吏聽自補置彭氏自允殊文勇儒猛相繼為下溪州刺史至仕漢為殿直留西京後輒遁歸天聖初以狀白辰州自言父老兄亡潛歸本道願放還家屬詔徙其家京師舍以官第未幾儒猛言仕漢逃歸誘羣蠻為亂遣別子仕端等殺之朝廷嘉其忠降詔獎諭時儒猛為檢校尚書右僕射特遷左僕射又以仕端為檢校國子祭酒知溶州加賜鹽三百斤綵三十匹彭氏有文綰者知中彭州即忠順州也三年儒猛攻役文綰其子儒索率其黨九十二人來歸補儒索復州都知兵馬使餘官為稟給五年儒猛死仕端以

名馬來獻詔還其馬命知下溪州賜以袍帶七年遂以其弟仕義貢方物明道初仕端死復命仕義爲刺史累遷檢校尚書右僕射自允殊至仕義五世矣仕義有子師寶景祐中知忠順州慶曆四年以罪絕其奉貢蓋自咸平以來始聽二十州納貢歲有常賜蠻人以為利有罪則絕之其後師寶數自訴請知上溪州皇祐二年始從其請朝貢如故既而師寶妻爲仕義取去師寶忿恚至和二年與其子知龍賜州師黨舉族趨辰州告其父之惡且言仕義嘗殺誓下十三州將奪其符印并有其地貢奉賜予悉專之自號如

意大王補置官屬將起爲亂於是知辰州宋守信與通判賈師熊轉運使李肅之合議率兵數千深入討伐以師寶爲鄉導兵至而仕義遁入他峒不可得俘其孥及銅柱而官軍戰歿者十六七守信等皆坐貶自是蠻獠數入寇鈔邊吏不能制朝廷姑欲無事間遣吏諭旨許以改過自歸裁損五七州貢奉歲賜初輒不聽後遣三司副使李參文思副使竇舜卿侍御史朱處約轉運使王綽經制大出兵臨之且馳檄招諭而仕義乃陳本無反狀其僭稱號補官屬特遠人不知中國禮義而然守信等輕信師寶之譸擅伐無

辜願以二十州舊地復貢奉內屬朝廷又遣殿中丞雷簡夫往視之嘉祐二年仕義乃歸所掠兵丁五十人械甲千八百九事率蠻衆七百飲血就降辰州亦還其孥及銅柱時師寶已歿遣師黨歸知龍賜州戒勿殺自是仕義歲奉職貢然黠驚數盜邊卽辰州界白馬崖下喏溪聚衆據守朝廷數招諭令歸侵地不聽熙寧三年爲其子師綵所弑師綵專爲暴虐其兄師晏攻殺之并誅其黨納誓表于朝并上仕義平生鞍馬器服仍歸喏溪地乃命師晏襲州事五年復以馬皮白峒地來獻詔進爲下溪州刺史賜母妻封邑

章惇經制南北江湖北提點刑獄李平招納師晏誓下州峒蠻張景謂彭德儒向永勝覃文猛覃彥霸各以其地歸版籍師晏遂降詔修築下溪州城并置砦於茶灘南岸賜新城名會溪新砦名黔安戍以兵隸辰州出租賦如漢民遣師晏詣闕授禮賓副使京東州都監官其下六十有四人元豐八年湖北轉運司言辰州江外生蠻覃仕穩等願內附詔不許招納其後彭仕誠者復爲都誓主元祐三年羅家蠻寇鈔詔召仕誠及都頭覃文懿等至辰州約赦之是年知誓下保順州彭儒武知永順州彭儒同知謂州彭思聰

知龍賜州彭允宗知藍州彭士明知吉州彭儒崇各
同其州押案副使進奉興龍節及冬至正旦溪布有
差初熙寧中天子方用兵以威四夷湖北提點刑獄
趙鼎言峽州峒首剝以度蠻衆願內屬辰州布衣
張翹亦上書言南北江利害遂以章惇察訪湖北經
制蠻事而南江之舒氏北江之彭氏梅山之蘇氏誠
州之楊氏相繼納土剏立城砦使之比內地爲王民
北江彭氏已見前南江諸蠻自辰州達于長沙邵陽
各有溪峒曰叙曰峽曰中勝曰元則舒氏居之曰獎
曰錦曰懿曰晃則田氏居之曰富曰鶴曰保順曰天
賜曰古則向氏居之舒氏則德郛德言君疆光銀田
氏則處達漢瓊漢希漢能漢權保金向氏則通漢光
普行猛永豐永晤皆受朝命自治平末光銀入貢故
事南江諸蠻亦隸辰州貢進則給以驛券光銀援以
爲請詔以券九道給之其後有峽州舒光秀者以刻
剝其衆不附張翹言南江諸蠻雖有十六州之地惟富
峽叙僅有千戶餘不滿百土廣無兵加以荐饑近向
永晤與繡鶴叙諸州蠻自相讐殺衆苦之感恩歸化
願先招富峽二州俾納土則餘州自歸并及彭師晏
之孱弱皆可郡縣詔下知辰州劉策商度策請如翹

言熙寧五年乃遣章惇察訪未幾策卒乃以東作坊使石鑑爲湖北鈐轄兼知辰州且助惇經制明年富州向晤獻先朝所賜劍及印來歸順繼而光銀光秀等亦降獨田氏有元猛者頗桀驁難制異時數侵奪舒向二族地惇遣左侍禁李資將輕兵往招諭資辰州流人曩與張翹同獻策者也禰宥無謀褻慢夷獠遂爲懿洽州蠻所殺惇進兵破懿州南江州峒悉平遂置沅州以懿州新城爲治所尋又置誠州元祐初傅堯俞王巖叟言沅誠州刱建以來設官屯兵布列若縣募役人調戍兵費鉅萬公私騷然荆湖兩路爲

之空竭又自廣西融州刱開道路達誠州增置潯江等堡其地無所有湖廣移賦以給一方民不安業願斟酌廢置朝廷以沅州建置至是十五年蠻情安習已久但廢誠州爲渠陽軍而沅州至今爲郡元祐初諸蠻復叛朝廷方務休息痛懲邀功生事廣西張整融州溫嵩坐擅殺蠻人皆寘之罪詔諭湖南北及廣西路曰國家疆理四海務在柔遠頃湖廣諸蠻近漢者無所統壹因其請吏量置城邑以撫治之邊臣邀功獻議刱通融州道路侵逼峒穴致生疑懼朝廷知其無用旋即廢罷邊吏失於撫遏遂爾扇搖其叛首

楊晟壹等並免追討諸路所開道路荆置堡砦並廢
自後五溪郡縣棄而不問崇寧以來開邊拓土之議
復熾於是安化上三州及思廣侗蒙光明樂安峒程
大法都丹團黃光明靖州西道楊再立辰州覃都管
罵等各願納土輸貢賦又令廣西招納左右江四百
五十餘峒宣和中議者以爲招致熟羌接武請吏竭
金帛繒絮以啗其欲捐高爵厚奉以侈其心開辟荒
蕪草荆城邑張皇事勢僥倖賞恩入版圖者存虛名
充府庫者亡實利不毛之地旣不可耕狼子野心頑
冥莫革建築之後西南夷隙交寇而溪峒子蠻亦復

跳梁士卒歿於干戈官吏沒於王事肝腦塗地往往
有之以此知納土之議非徒無益而又害之所由生
也莫若俾帥臣監司條具建築以來財用出入之數
商較利病可省者省可併者併減戎兵漕運而夷狄
可撫邊鄙可亡患矣乃詔悉廢所置初郡其餘諸蠻
自乾興以來或叛或服其類不一各以歲月攻之乾興
初順州蠻田彥晏率其黨田承恩寇施州暗利砦縱
火而去夔州發兵擊之俘獲甚衆彥晏在真宗朝爲
歸德將軍檢校太子賓客知順州承恩者知保順州
田彥曉子也明年彥晏款邊上警狀願還所掠金帛

器械且輸粟二千石自贖詔拒其粟舍其所負金帛
第令歸掠去戶口仍加彥晏寧遠將軍檢校工部尚
書承恩檢校國子祭酒兼監察御史皆知州如故後
又有田忠顯者與其黨百九人入貢天聖二年知古
州向光普自言嘗剽佛寺請名報國歲度僧一人許
之四年歸順等州蠻田思欽等以方物來獻時來者
三百一人而夔州路轉運司不先以聞詔劾之既而
又詔安遠天賜保順南順等州蠻貢京師道里遼遠
而離寒暑之苦其聽以貢物留施州所賜就給之願
入貢者十人聽三二人至闕下首領聽三年一至七

年黔州蠻舒延蠻繡州蠻向光緒皆來貢九年施州
屬蠻覃彥綰等寇永寧砦景祐中澧州屬蠻五百餘
人入寇時州將崔承祐畏避不以聞爲荆湖鈐轄司
所奏詔劾罷之寶元二年辰州獠獠三千餘人款附
以州將張昭懿招輯有功進一官慶曆三年桂陽監
蠻獠內寇詔發兵捕擊之蠻獠者居山谷間其山自
衡州常寧縣屬于桂陽郴連賀韶四州環紆千餘里
蠻居其中不事賦役謂之獠人初有吉州巫黃捉兔
與其兄弟數人皆習蠻法往來常寧出入溪峒誘蠻
衆數百人盜販鹽殺官軍逃匿峒中旣招出而殺之

又徙山下民他處至是其黨遂合五千人出桂陽藍山縣華陰峒寧巡檢李延祚潭州都監張克明事聞擢楊旼提點刑獄督攻討事久之不克遂詔湖南轉運使郭輔之等招撫之始於湖南置安撫司蠻所至殺掠居民縱火劫財物被害者甚衆詔被害者并入山捕蠻士兵蠲復有差初發兵捕蠻至或誤殺良民仁宗命訪之口給絹五匹仍拊其家時蠻勢方熾又遣殿中侍御史王絳三司度支副史徐的經制降勅書委知潭州劉沆招諭能自歸者第錄以官沆大發兵臨之以勅書從事降二千餘人使散居所部錄其

首領鄧文志黃文晟黃士元皆爲三班奉職又以內殿承制開贊崇班胡元嘗在石碣峒捕殺有勞進贊莊宅副使元禮賓副使時四年冬也五年二月餘黨唐和等復內寇乃詔湖南安撫轉運提點刑獄便宜從事又特賜官兵土丁錢有差於是沆檄楊旼等八路入討覆蕩桃油平能家源等皆其巢穴捕斬首級甚衆詔官兵有功者九百餘人第遷資錄其應募討擊者道州進士十四人並官之然唐和等猶未平又詔如聞賊黨欲降其罷出兵逃匿者諭使歸復州縣拊存之是冬蠻復入寇與胡元及右侍禁郭正趙鼎

殿侍王孝先戰于華陰峒隘口元等歿之劉沆楊畋
皆坐黜以劉夔代沆爲安撫使夔言唐和等旣敗官
軍殺將吏聚衆益自疑恐寔爲邊患願以詔書招安
就補溪峒首領詔可是時湖湘騷動兵不得息六年
夏仁宗顧謂輔臣曰官軍乂戍南方夏秋之交瘴癘
爲虐其令太醫定方和藥遣使給之自是繼賜緡錢
未幾夔言敗唐和於銀江源轉運使周沆亦言指揮
辛景賢招降賊黨五十六戶二百五十九人錄其首
領戒所部拊存之先是命三司戶部判官崔嶧爲體
量安撫往議討除招安而策旣而知桂陽監宋守信

奏唐和嘯聚千餘衆爲盜五六年卒未能克者朝廷
不許窮討故也今衡州監酒黃士元頗習溪峒事願
得敢戰士二千引路土丁二百優給金帛使之逐捕
必得然後已并勅开贊等合力以進彼旣勢窮必將
款附詔用其策於是大發兵討之其衆果懼遁入郴
州黃莽山由趙峒轉寇英韶州依山自保是冬帝閔
士卒暴露復諭執畋密戒主帥安恤七年唐和遣其
子執要領詣官自言願貸糧米居所保峒中時楊畋
復爲湖南鈐轄詔趨連韶州山下與廣南東西轉運
使共告諭之使以兵械上官質其親屬詔補唐和盤

知諒房承映承泰文運等五人為峒王授銀青光祿大夫檢校國子祭酒兼監察御史武騎尉知諒等蓋唐和黨也至冬其眾悉降皇祐五年邵州蠻舒光銀因湖南安撫司自陳悍禦之勞願於峒中置中勝州詔可嘉祐二年羅城峒蠻寇澧州發兵擊走之二三年以施州蠻向永勝所須州為安定州五年以邵州蠻楊光倩知徽州光倩通漢之子也通漢慶曆初嘗入貢既歿光倩襲之舊制溪峒知州卒承襲者許進奉行州事撫遏蠻人及五年安撫司為奏給勅告至是光倩行州事七年無他過故命之 列傳卷第二百五十二

列傳卷第二百五十二

宋史四百九十四

開府儀同三司在國蠶園事前中書右丞相監修國史領經筵事都總裁帝脫等奉

勅修

蠻夷二

西南溪峒諸蠻下

梅山峒

誠徽州

南丹州

紹興三年臣僚言武岡軍溪峒舊嘗集人戶為義保蓋其風土習俗服食器械悉同徭人故可為疆場捍蔽雖曰籍之於官然亦未嘗遠戍靖康間調之以勤王其後湖南盜起征斂百出義保無復舊制困苦不

勝乃舉其世業客依蠻峒聽其繇役州縣猶驗舊籍
催科胥隸及門則挈家遠徙官失其稅蠻僚日強兼
武岡所屬三縣悉為徭人所有遠戍之實已無而鄉
戶弩手之名尚在歲取其直人戶咨怨乞擇本路監
司詳議以聞詔從之四年辰州言歸明保靜南渭永
順三州彭儒武等又欲奉表入貢詔以道路未通俾
荆湖北帥司慰諭免赴闕遣人持表及方物赴行在
仍優賜以答之九月詔荆湖南北路溪峒頭首土人
及主管年滿人合給恩賜俾各路帥司會計覆實以
聞六年知鼎州張翬言鼎濃辰沅靖州與溪峒接壤

祖宗時嘗置弓弩手得其死力比緣多故遂皆廢闕
萬一蠻夷生變將誰與捍禦今雖各出良田募人以
補其額率皆豪強遣僮奴竄名籍中乘時射利無益
公家所宜汰去則募溪峒司兵得三百人俾加習練
足為守禦給田募人開墾以供軍儲詔荆湖北路帥
司相度以聞帥司言營田四州舊置弓弩手九千一
百一十人練習武事散居邊境鎮撫蠻夷平居則事
耕作緩急以備戰守深為利便靖康初調發應援河
東全軍陷沒今辰沅澧靖等州乏兵防守竊慮蠻夷
生變叵測若將四州弓弩手減元額定為三千五百

人辰州置千人沅州置千五百人澧州靖州各置五百人分處要害量給土田訓練以時耕戰合度庶可備禦以所餘閑田募人耕作歲收其租其於邊防財賦兩得其便可為經久之計詔從之七年六月張翥言湖外自靖康以來盜賊盤踞鍾相楊太山雷德進等相繼叛澧州所屬尤甚獨慈利縣向思勝等五人素號溪峒歸明誓掌防拓卒能保境息民使德進賊黨無所剽掠思勝後竟殺德進會官軍招撫劉智等而彭永健彭永政彭永全彭永勝及思勝共獻糧助官軍招撫諸山四十餘柵宣力效忠功居多宜加恩

賞詔思勝等五人各轉兩資九月詔荆湖廣南路溪峒頭首土人內有子孫應襲職名差遣及主管年滿合給恩賜之數俾帥司取會覈實以聞九年宜章峒民駱科作亂寇郴道連桂陽諸州縣詔發大兵往討之獲駱科餘黨歐幼四等復叛據藍山寇平陽縣遣江西兵馬都監程師回討平之十年承信郎琴州溪峒楊進顯等率族屬歸生界五百餘戶疆土三百餘里獻累世所造兵器及金爐酒楮各一求入覲詔本路帥司敦遣以行十二年詔以施州南砦路夷人向再健襲父思遷充銀青光祿大夫檢校國子祭酒兼

監察御史武騎尉知懿州事十四年十月湖南安撫使劉昉奏武岡軍徭人有父子相殺者宜出兵助其父俾還省地上以問輔臣秦檜檜曰恐輕舉生事帝曰恩威不可偏廢可懷則示之以恩否則威之不侵省地則已或有所侵柰何不舉俾知所畏哉十二月成忠郎克武岡軍綏寧縣管界都巡檢兼溪峒首領楊進京率其族三百人備黃金朱砂方物求入貢先遣某子孝友陳請詔本路帥司閱舊制以聞給孝友錢三百貫俾還聽進上十五年楊進顯復求入貢以武岡軍不時敦遣爲言詔本路帥司閱實應襲人姓名

名來上併促進顯入覲四月廣南東路提刑黃應南言溪峒巡檢尉若官不嚴守備縱民與徭交通恐啓邊釁乞詔有司申嚴法令俾帥臣監司常加覺察宰臣以爲沿邊互市恐不宜禁絕帝曰往年禁西夏互市遂至用兵可令帥司裁決前知全州高楫言徭人今皆微弱不敢先侵省地若官每縱人深入略其財物遂致乘間竊發宜詔與溪峒接壤州郡毋侵徭人庶使邊民安業以廣陛下柔遠好生之德帝從其言詔守臣一遵成法務在撫綏二十四年禽楊正修及其弟正拱送理寺獄鞠治斬之初正修侍其父再興

入覲獻還省民疆土遂命以官建炎後與弟正拱率九十團峒徭人出武岡軍縱火殺掠民財爲亂紹興間潭州帥司嘗招徠之後復作亂屢抗官軍至是伏誅二十八年七月楊進京等復求入貢詔以道遠慰諭之優其賜與隆興初右正言尹穡言湖南州縣多隣溪峒省民徃徃交通徭人擅自易田豪猾大姓或詐匿其產徭人以避科差內虧國賦外滋邊患宜詔湖南安撫司表正經界禁民毋質田徭人詐匿其產徭人者論如法仍沒入其田以賞告姦者田前賣入徭人俾爲別籍毋遽奪能還其田者縣代給錢償之

帝從其言乾道元年宜章峒賊李金陷郴州焚桂陽軍州將棄城遁衡州調常寧縣兵救之弗克世忠峒李昂霄者率壯丁禦賊民恃以安湖南提舉常平鄭丙請發鄂渚軍討賊平之昂霄以功補承節郎管轄衡州常寧縣溪峒及官其子當年俾後得襲職三年靖州界徭人姚明教等作亂詔荆鄂駐劄明椿選將率精銳千人會屯戍官合擊之能立功者有厚賞八月詔平溪峒互市鹽米價聽民便毋相抑配其徭人歲輸身丁米務平收無取羨餘及折輸錢違者論罪十一月南郊禮成詔以緣邊溪峒州縣失於拊循致

懷反側或逃竄山谷其在赦恩以前並加寬宥能復業者罪一切置不問互市如故悉聽其便守臣常加撫問以稱綏遠之意四年二月詔湖南北四川二廣州軍應有溪峒處務先恩信綏懷毋弛防閑毋襲科擾毋貪功而啓釁委各路帥臣監司常加覺察是月詔禁沿邊姦人毋越逸溪峒誘致蠻獠侵內地違者論如律其不能防閑致越逸者亦罪之湖廣總領周嗣武言邊事如二年四月之詔帝嘉納之是歲田彥古歿子忠佐襲職授銀青光祿大夫檢校散騎常侍知溪峒安化州兼監察御史飛龍騎尉六年盧陽西

據獠楊添朝寇邊知沅州孫叔傑調兵數千討之敗績歿者十七八初獠人與省戶交爭殺二人歿叔傑輒出兵破其十三柵奪還所侵地於是獠人相結爲亂諸司請調常德府城兵三百人益官兵三千人合擊討之宰臣虞允文奏曰蠻夷爲變皆守臣貪功所致今獠人仇視守臣若更去叔傑量遣官軍示以兵威徐與盟誓自可平定帝允其奏俾葉行代叔傑開示恩信諭以禍福遂招降之邊境悉平前知武岡軍趙善穀言武岡與湖北廣西隣壤爲極邊之地溪峒七百八十餘所七峒隸綏寧縣五溪峒隸臨江縣紹

興三十年減冗員改縣爲臨口砦然五峒之徭俗尤
獷悍釁生毫髮則操戈相讐砦官不能爲輕重况本
軍巡防砦柵惟真良三門兵溪香平有土軍可備守
禦餘有官無兵其闕硤武賜等砦設巡檢二員徒費
廩祿以臣所知宜復臨口砦爲縣則徭蠻易於制服
汰去冗員則官廩亦無虛費實邊郡之利也七年前
知辰州章才邵上言辰之諸蠻與羈縻保靜南謂永
順三州接壤其蠻首歲貢溪布利於回賜頗覺馴伏
盧溪諸蠻以靖康多故縣無守禦狃於乘隙焚劫後
徙縣治於沅陵縣之江口蠻酋田仕羅龔志能等遂

雄據其地沅陵之浦口地平衍膏腴多水田頃爲徭
蠻侵掠民皆轉徙而田野荒穢會守猝無遠慮乃以
其田給靖州狃狎楊姓者俾佃作而課其祖所獲甚
微楊氏專其地將二十年其地當沅靖二州水陸之
衝一有蠻隙則爲害不細臣謂宜預爲之備靖康前
辰州每歲蒙朝廷賜錢七萬貫紬絹布共八千一百
匹綿一萬七千兩是時本州廂禁軍一千四百餘人
沿邊一十六砦土兵六百餘人皆可贍給其後中外
多故今歲賜止得一萬二千緡而本州財復匱乏無
以充召募之費禁軍止二百一十餘人諸砦土兵止

劉
一百五人甚至若官有全無一兵而徒存虛名者其
者邊防豈可不爲深慮若歲增給民錢一萬俾本州
募強壯禁軍或効用二百人分屯盧溪等處以防諸
蠻庶使邊患永消可免異時調遣之費書奏詔湖北
帥臣詳議以聞是年申嚴邊民售田之禁守令不能
奉法者除名部刺史常加糾察八年知貴州陳乂上
疏言臣前知靖州時居蠻夷腹心民不服役田不輸
賦其地似若可棄然爲重湖二廣保障實南服之要
區也或控制失宜或金穀不繼或兵甲少振蠻獠則
乘時竊發勤勞王師朝廷當重守臣之選崇寧初戍

兵三千人建炎以來每於都統司或帥司摘兵二千
人以備屯戍其凶悍者以州郡不能制遂慢守臣反
通徭蠻以撓編民州郡非白主帥不敢治比得報已
晚矣故戍兵敢肆其惡一旦有警復安能爲用臣以
爲宜聽守臣節制爲便帝嘉其言復問左右曰靖隸
湖北今聞仰給廣西何也趙雄對曰靖州本溪峒神
宗時剗爲誠州元祐間廢尋復爲軍徽宗朝始改靖
州與桂府爲鄰故令廣西給其金穀之費近歲漕司
匱乏乃責辦諸州以故不能如約宜復舊制俾廣西
漕臣如期饋運靖州屯戍官兵聽守臣節制於事爲

便帝從之十年四月全州上言本州密邇溪峒邊民本非姦惡其始朝廷禁法非不嚴密監司州郡非不奉行特以平居失於防閑故馴致其亂又兼溪谷山徑非止一途如靜江興安之大通虛武岡軍之新寧盆溪及八十里山永州之東安皆可以徑達溪峒其地綿亘郡邑非一州得專約束故遊民惡少之棄本者商旅之避征稅者盜賊之亡命者往往由之以入卒爲淵藪交相鼓扇深爲邊患如武岡楊再興桂陽陳峒相繼爲亂實原於此爲今計者宜徙閑地巡檢兵及分遣士卒屯諸溪谷山徑間俾湖南北廣西帥

憲總其役庶幾事權有歸號令可行也儒林郎李太性上言比年猺蠻爲亂邊吏慮妨賞格往往匿不以聞遂致猖獗使一方民命寄於猺人之手誠可哀憫近如梁牟等寇沅州劫墟市殺戮齊民州縣告急於兩月之後比調官軍討捕俘降其賊而人之被害已酷矣宜戒州縣或遇猺人竊發晝時以聞違者論罪仍命監司帥臣常加覺察庶幾先事備禦俾猺人亦知畏懼不敢侵軼以傷吾民也十一年詔給事中中書舍人戶部長貳同勅令所議禁民毋質猺人曰以奪其業俾能自養以息邊釁徒知沅州三鎮之請也

沅州生界矜矜副峒官吳自由子三人貨丹砂麻陽縣巡檢唐人傑誣爲盜執之送獄自由率峒官楊友祿等謀爲亂帥司調神勁軍三百人及沅州民兵屯境上聲言進討先遣歸明官田思忠往招撫之以孔目官爲質世祿等旣盟自由取其三子以歸嘉泰三年前知潭州湖南安撫趙彥勵上言湖南九郡皆接溪峒蠻夷叛服不常深爲邊患制馭之方豈無其說臣以爲宜擇素有知勇爲蠻人所信服者立爲酋長借補小官以鎮撫之况其習俗耆欲悉同蠻人利害情僞莫不習知故可坐而制服之也五年之間能立

勞効卽與補正彼旣榮顯其身取重鄉曲豈不自愛盡忠公家哉所謂捐虛名而收實利安邊之上策也帝下其議旣而諸司復上言往時溪峒設首領峒主頭角官及防遏指揮等使皆其長也比年往往行賄得之爲害滋甚今宜一新蠻夷耳目如趙彥勵之請所謂以蠻夷治蠻夷策之上也帝從之嘉定元年郴州黑風峒瑤人羅世傳寇邊飛虎統制邊寧戰沒江西湖南驚擾知隆興趙希懌知潭州史彌堅共招降之二年李元礪羅孟二寇江西攻破龍泉縣李再興戰敗歿之江州駐劄都統制趙選亦戰死初吉州獲

賊長七人繫獄土豪黃從龍爲賊畫策賂吉守李綱
得縱還賊遂無所忌有侯押隊者領兵戍龍泉境上
元礪復用從龍計椎牛醢酒以犒官軍賊至官軍皆
醉狼狽散走寇之初起甚微賊伺知議論不一故玩
侮官軍方江西力戰則求降湖南湖南戰則求降江
西牽制王師使不得相應援其後命工部侍郎王居
安知豫章擒獲之溪峒略平五年臣僚上言辰沅靖
等州舊嘗募民爲弓弩手給地以耕俾爲世業邊陲
獲保障之安州縣無轉輸之費比年多故其制寢弛
猺蠻因之爲亂沿邊諸郡悉受其害比申朝廷調兵

招捕曠日持久蠻夷習玩成其猖獗之勢其如楊晟
臺李全姚明教羅孟二李元礪陳廷佐之徒皆近事
之明驗也爲今計者宜講舊制可紓饋餉之勞而得
備禦之實其安邊息民之長策歟七年臣僚復上言
辰沅靖三州之地多接溪峒其居內地者謂之省民
熟戶山猺峒丁乃居外爲捍蔽其初匿處詳密立法
行事悉有定制峒丁等皆計口給田多寡闊狹疆畔
井井擅鬻者有禁私易者有罰一夫歲輸租三斗無
他繇役故皆樂爲之用邊陲有警衆庶雲集爭負弩
矢前驅出萬死不顧比年防禁日弛山猺峒丁得私

售田田之歸於民者常賦外復輸稅公家因資之以爲利故謾不加省而山徭峒丁之常租仍虛掛版籍責其償益急往往不能聊生反寄命徭人或導其入寇爲害滋甚宜勅湖廣監司檄諸郡俾循舊制毋廢庶邊境綏靖而遠人獲安也

梅山峒蠻舊不與中國通其地東接潭南接邵其西則辰其北則鼎澧而梅山居其中開寶八年嘗寇邵之武岡潭之長沙太平興國二年左甲首領苞漢陽右甲首領頓漢凌寇掠邊界朝廷累遣使招諭不聽命客省使翟守素調潭州兵討平之自是禁不得與

漢民交通其地不得耕牧後有蘇方者居之數侵奪舒向二族嘉祐末知益陽縣張頡收捕其桀黠得三等遂經營開拓安撫使吳中復以聞其議中格湖南轉運副使范子奇復奏蠻恃險為邊患宜臣屬而郡縣之子奇尋召還又述前議熙寧五年乃詔知潭州潘夙湖南轉運副使蔡燁判官喬執中同經制章惇招納之惇遣執中知全州將行而大田三砦蠻犯境又飛山之蠻近在全州之西執中至全州大田諸蠻納款於是遂檄諭開梅山蠻徭爭闢道路以待得真地東起寧鄉縣司徒嶺西抵邵陽白沙砦北界益陽

四里河南止湘鄉佛子嶺籍其民得土客萬四千八百九戶萬九千八百九丁田二十六萬四百三十六畝均定其稅使歲一輸乃築武陽開峽二城詔以山地置新化縣并二城隸邵州自是鼎澧可以南至邵誠徽州唐溪峒州宋初楊氏居之號十峒首領以其族姓散掌州峒太平興國四年首領楊蘊始來內附八年楊通實始入貢命為誠州刺史淳化二年其刺史楊政巖復來貢是歲政巖卒以其丹通塩繼知州事熙寧八年有楊光富者率其族姓二十二州峒歸附詔以光實為右班殿直昌運五人補三班奉職

情等十六人補三司軍將繼有楊昌銜者亦願罷進奉出租賦為漢民詔補為右班殿直子弟姪十八人補授有差獨光僭頗負固不從命詔湖南轉運使朱初平羈縻之未幾亦降乃與其子日儼請於其側建學舍求名士教子孫詔潭州長史朴成為徽誠等州教授光僭皇城使誠州刺史致仕官為建宅置飛山一帶道路巡檢光僭未及拜而卒遂以贈之錄其子六人元豐三年知邵州關杞請於徽誠則融嶺擇要害地築城砦以絕邊患詔湖南安撫謝景溫轉運使朱初平判官趙揚商度以聞景溫等以為宜如杞言

乃議誠州以沅州貫保砦爲渠陽縣隸之以徽州爲
蔣竹縣隸邵州趙揚言上江多星銅鼓羊鎮潭溪上
和上誠天村大田等團並至誠州城下貿易可漸招
撫并乞下湖南邵州蔣竹縣招諭芙蓉萬驛諸團從
之徙誠州治渠陽而貫保爲砦如故上江等諸團果
皆納上於是增築多星等砦還連徽廣西融州王口
砦焉元祐二年改誠州爲渠陽軍罷兩州兵馬及守
禦民丁有楊晟臺者乘間寇文村堡知渠陽軍胡田
措置亾術蠻結西融州蠻砦粟仁催往來兩路爲民
患調兵屯渠陽至萬人湖南亦增屯兵應援三路俱

驚朝廷方務省事議廢保砦徹戍守而以其地予蠻
乃詔湖北轉運副使李茂直招撫又遣唐又同措置
邊事討之後以渠陽爲誠州命崇偕之子供備庫使
昌達供備庫副使楊昌等同知州事而貫保豐山若
水等砦皆罷戍擇授土官俾又間毀樓櫓撤官舍護
領居民入砦崇寧初改誠州爲靖州

南丹州蠻亦溪峒之別種也地與宜州及西南夷接
壤開寶七年酋帥莫洪誓遣使陳紹規奉表求內附
九年復來貢求賜牌印詔刻印以給之太平興國五
年洪誓貢銀百兩以賀太平雍熙四年洪誓族人知

寶隆鎮莫淮閬牛一頭逐水草至金城州河池縣宜州牙校周承鑒以其牛耕作淮閬三遣人取牛承鑒不還凡耕十日始釋牛逐水草去淮閬怒領鄉兵六十人劫取承鑒家資財驅縣民莫世家牛六頭以誘羣蠻爲寇上遣供奉官王承緒乘傳劾承鑒且伏占牛詔棄市時知宜州贊善大夫侯汀失於備禦羣蠻之擾頗害及民庶詔發諸州兵進討兵未至悉已遁歸汀坐免官詔諭宜融柳州百姓及蠻界人戶曰朕託兆庶之上處司牧之重照臨所暨撫養是均矧於遐陬尤所軫慮昨以知宜州事侯汀失於綏緝恣

其侵牟致茲邊夷起爲寇鈔侵騷閭里虔劉士庶及興師而討伐乃畏威而竄伏朕以興戎召釁職由於汀爰舉國章削其官秩汝等所宜體予舍垢革乃前非安土厚生保境延世嬉我至化是爲永圖或尚恣於陸梁當盡勦其族類自是不復爲寇淳化元年洪普卒其弟洪皓襲稱刺史遣其子淮通來貢銀盃二十銅鼓三面銅印一鈕旗一帖繡真珠紅羅襦一上降優詔賜絲百匹還其襦自洪普領州十餘年歲輸白金百兩洪皓之襲兄位專其地利不脩常貢其弟洪沅忿之挈妻子來奔宜州洪皓怒其背已數引兵

攻洪沅洪沅與二男并牙將一人乘傳詣闕訴其事
請發兵致討上以蠻夷之俗羈縻而已不欲爲之興
師報怨洪沅先自稱南丹州副使以爲邵州團練使
給田十頃下詔戒勅洪皓景德二年洪皓死長子淮
勅襲父任俄爲弟淮迪攻南丹州淮勅帥屬來奔詔
宜州賜閑田資給之大中祥符五年宜州言淮迪頗
集諸蠻阻富仁監道路上廉知淮迪無侵擾狀遣使
犒設撫勞之九年撫水蠻叛詔淮迪約勒溪峒勿從
誘脅明年平撫水蠻淮迪等並以勞進秩景祐三年
有淮戟者舉族來歸命爲湖南州團練副使勅州縣

拊存後淮迪老自言願傳其子世漸至和元年命世
漸爲檢校散騎常侍權發遣州事明年以淮迪爲懷
遠大將軍致仕世漸爲刺史檢校工部尚書賜袍帶
錢十萬絹百匹又補其親黨數十人爲檢校官如故
事也世漸死嘉祐末命其子公帳襲之有世忍者亦
淮迪之子也初率其屬人內附治平初迪歸攻殺公
帳奪其地自首請於朝廷願授刺史補其親黨如故
事歲輸銀百兩三年遂命爲刺史皆如其請熙寧二
年猺賊殺人世忍執以獻授檢校禮部尚書元豐三
年入貢其印以西南諸道武盛軍德政官家明天國

主爲文詔以南丹州印賜之令毀其舊印六年大軍討安化世忍獻弓矢自言願世世爲外臣修貢不懈遷檢校戶部尚書給銅牌旗號官其子姪九人世忍死子公佞襲大觀元年廣西經略使王祖道言公佞就擒進築平允從州牧文地蘭那安外習南丹八州之地并爲鎮庭孚觀州延德軍以其弟公晟襲刺史宣和四年公晟乞以州事付其姪延豐願與其子歸朝詔從之仍乘驛給券紹興三年公晟攻圍觀州焚寶積監朱勝非奏崇觀宣和間所開新邊比來往往棄而不守帥臣監司屢言觀州爲控扼之地不宜棄

帝曰前日用事之臣貪功生事以爲欺罔其實勞民費財使遠俗不安也又用廣西經略安撫使劉彥適言以公晟知南丹州兼溪峒都巡檢使提舉盜賊公事給以南丹州刺史舊印公晟未受命二十四年公晟始貢馬率諸蠻來歸帝諭輔臣曰得南丹非爲廣地也但推人不叛百姓安業爲可喜耳遂以延沈襲公晟職授銀青光祿大夫檢校太子賓客使持節南丹州諸軍事南丹州刺史兼御史大夫知南丹州公事武騎尉廣西經略安撫使呂愿中諭降諸蠻三十一種得州二十七縣一百三十五砦四十峒一百七

十九及一鎮三十二團皆為羈縻州縣二十五年延
沈進補團練防禦二使三十一年延沈恣行慘酷為
諸蠻所逐歸死者地衆推延廩襲職隆興二年延廩
復為諸蠻所圖獲家歸朝經略司奏以延善襲職淳
熙元年南丹為永樂州所攻使來告急廣西帥臣遣
將領陳泰權天河縣主簿徐彌高諭和之十四年經
略司奏以延廩襲職詔從其請嘉泰五年延廩之子
光熙襲職知南丹州事

列傳卷第二百五十三

列傳卷第二百五十四

宋史四百九十五

開府儀同三司柱國錄軍國軍事中書右丞相修國史領經筵事都總裁臣脫等奉
勅修

蠻夷三

撫水州

廣源州

黎洞

環州

撫水州在宜州南有縣四曰撫水曰京水曰多逢曰
古勞唐隸黔南其酋皆蒙姓同出有上中下三房及
北遐一鎮民則有區廖潘吳四姓亦種水田採魚其
保聚山險者雖有畝田收穀粟甚少但以藥箭射生

取鳥獸盡卽徙他處無羊馬桑柘地曰帝洞五十里至前村川原稍平合五百餘家夾龍江居種稻似湖湘中有樓屋戰棚衛以竹柵卽其酋所居兵器有環刀標牌木弩善爲箭中者大叫信宿死得邕州藥解之卽活雍熙中數寇邊境掠取民口畜產詔書招安補其酋蒙令地殿直蒙令札奉職咸平中又數爲寇盜止令邊臣驅逐出境其黨狡獪者凡三十餘人宜州守將因擒送闕下上召見詰責之對曰臣等蠻陬小民爲饑寒所迫耳上顧謂左右曰昨不欲盡令殺戮顧謂唯類矣因釋罪賜錦袍冠帶銀絲戒勗遣之

逾年酋長蒙頂等六十五人詣闕納器甲百七十事又蒙漢誠蒙虔瑋蒙填來朝上器甲數百及毒藥箭誓不搔邊比歲皆遣使來貢及輸兵器乃授漢誠官賜物有差旣而侵軼如故景德三年蠻酋蒙填詣宜州自陳願朝貢謝罪詔守臣諭以盡還所掠民貲畜乃從其請大中祥符六年首領指揮使蒙但挈族來歸徙於桂州九年數寇宜融州界轉運使俞獻可言知宜州董元巳不善綏撫昨蠻人饑來質餼糧公縱主者剋剝槩量及求入貢復驟沮其意遂使忿恚爲亂詔出元巳遂遣潭州都監李守睿代元巳招撫羣

蠻拒命侵掠不已獻可請以本道澄海軍及募丁壯
進討乃詔益以潭州兵五千人命東染院使平州刺
史曹克明爲宜融等州都巡檢安撫使內殿崇班王
文慶閣門祗候馬王內供奉官楊守珎等爲都監上
猶以蠻夷異類攻剽常理不足以勦絕又意其道險
難進師第令克明獻可設方略攝其酋首索所鈔生
口因而撫之克明獻可上言蠻人去冬寇天河今又
鈔融州廂陽諸砦剽劫居民害巡檢樊明累依宣旨
詔諭曾不悛革任請便宜掩擊從之克明乃與守珎
領兵入樟嶺路文慶王趨宜州西路又令宜桂都巡

檢程化鵬取樟嶺古牢隘路會合化鵬遇蠻於上房
兩水口擊破之文慶王至如門圍爲蠻所扼不能進
克明守珎乃過橫溪恩德砦召山獠嚮道開路進師
蠻依篁竹間時出戰鬪輒敗走旬餘上黃泥嶺杉木
隘路溪谷險邃蠻據要害以拒官軍自辰至午大潰
其黨遂過霸苑抵帝洞乃入中房前村克明等頓兵
下砦中夕羣蠻大譁譟擊鉦鼓攻砦甚急出兵擊之
傷殺頗衆因縱火焚其廬室積聚自此恐懼竄入山
谷又緣龍江南岸而東至昏暮過石峽隘險士不並
行蠻復連弩北岸克明遣猛士步涉與鬪至卽退走

砦若干下房博賀村克明設伏砦外其夜蠻衆大集遇
伏發内外合擊追斬殆盡乘勝搜山悉得馬牛享士
卒克明等知其窮蹙乃曉諭恩信許以改過於是指
帥蒙承貴等面縛詣軍自首克明厚加犒宴且數責
之皆俯伏謝罪及聞詔旨赦令勿殺莫不泣下北望
稱萬歲上以夷性無厭習知朝廷多釋其罪故急則
來歸緩則叛去切詔克明等諭以悉還所掠漢口資
畜卽許要盟承貴等感悅奉詔乃歛猶血立誓自言
奴山摧倒龍江西流不敢復叛克明等師還宜州蠻
人納器甲凡五千數願遷處漢地者七百餘口詔分

置廣西及荆湖州軍給以田糧凡立功使臣將士遷
補賜賚者千八百一十六人承貴因請改州縣名以
固歸順之意詔以撫水州爲安化州撫水縣爲歸仁
縣京水縣爲長寧縣自是間歲朝貢不復爲邊患矣
獻可等又言殿直蒙肚知歸化州州與撫水相接數
遣子文寶及其妻族其堂偵軍事又其子格與官軍
鬪敵悉部送赴闕有蒙隻者亦肚之子先嘗告賊署
爲昭州押牙詔補肚密州別駕隻海州都押牙賦以
官田文寶格其堂並黥配登萊州寶元元年復率衆
寇融宜州發邵澧潭三州戍兵合數千人往擊時蠻

勢方熾至殺運糧官吏復詔趣兵進討踰年乃平慶曆中再以方物入貢至和二年復至詔以知州蒙全會爲三班奉職又以監州姚全料爲借職嘉祐六年又來貢是後月赴宜州參謁及賀巨報每歲州四管犒及三歲聽輸所貢兵械於思立砦以其直償之逋以官資遷補熙寧初知宜州錢師孟通判曹覲擅裁損侵剝之士人羅世念蒙承想蒙光仲等爲亂五年攻德謹砦襲將官費萬殺之經略司問致寇狀而宜州但以饑爲言故朝廷賜粟二萬石以安輯之已而守臣王竒戰死事聞乃詔知沅州謝麟帶御器械和斌經制溪洞發在京驍騎兩營及江南福建將兵三千五百人以聽師期明年世念等遂與諸蠻峒首領族類四千五百人出降以世念爲內殿承制承想光仲等十人各拜官崇寧二年其酋蒙光有者復嘯聚爲寇經略司遣將官黃忱等擊郤之大觀二年遂以三州一鎮戶口六萬一千來上詔以知融州程鄰往黔南路撫諭官吏推恩有差至和後又有融州馬蠻大丘峒首領楊光朝請內附又有楊克端等百三人來歸皆納之諸蠻族類不一大抵依阻山谷並林木爲居推髻跣足走險如履平地言語侏離衣服編爛

畏鬼神喜淫祀刻木爲契不能相君長以財力雄彊
每忿怒則推刃同氣加兵父子間復讐怨不顧死出
入腰弓矢匿車中射人得牛酒則釋然矣親戚比隣
指授相賣父子別業父貧則質身於子去禽獸無幾
其族鑄銅爲大鼓初成懸庭中置酒以召同類爭以
金銀爲大釵叩鼓去則以釵遺主人相攻擊鳴鼓以
集衆號有鼓者爲都老衆推服之唐末諸酋分據其
地自爲刺史宋興始通中國奉正朔修職貢間有桀
黠貪利或疆吏失於撫御往往聚而爲寇抄掠邊戶
朝廷禽獸畜之務在羈縻不深治也熙寧間以章惇

察訪經制蠻事諸溪峒相繼納土願爲王民始荆城
砦比之內地元祐初諸蠻復叛朝廷方務休息乃詔
諭湖南北及廣西路並免追討廢堡砦棄五溪諸郡
縣崇寧間復議開邊於是安化上三州及思廣諸峒
蠻夷皆願納土輸貢賦及令廣西招納左右江四百
五十餘峒尋以議者言以爲招致熟蕃非便乃詔悉
廢所置州郡復祖宗之舊焉紹興初監察御史明橐
言湖南邊郡及二廣之地舊置溪峒歸明官比年寔
廣其員及諸州措置隘砦闕人把拓又令管押兵夫
素不習知法令率貪婪無厭况管押又皆鄉民其

邊患遭困苦折辱者往往無所赴愬議者欲俾帥臣
籍其姓名每三年一遷易如州縣官故事或云止循
舊添差並罷管押兵夫宜令二廣湖南帥臣處置適
宜無啓邊禍以害遠人詔下其議三年安化蠻蒙全
劔等八百人劫普議砦火其屋宇廣西帥臣遣縣砦
將佐發兵討平之四年廣南東西路宣諭州橐言平
觀二州本王口高峰二砦處廣右西徧舊常無虞崇
寧大觀間邊臣啓釁奏請置州拔境深入不毛如平
從允孚庭觀溪馴叙樂降允等十有二州屬之黔南
其官吏軍兵請給費用悉由內郡於是騷然莫能支

吾政和間朝廷始悟其非罷之或者謂平州爲西南
重鎮兼制王江從允等州及胡南之武岡軍湖北之
靖州桂州之桑江峒徭觀州則控制南丹陸家砦茆
灘十道及白崖諸蠻以故二州獨不廢臣自歷邊卽
乞罷平觀者前後非一內攝官吳芾嘗充經略司準
備幹當頗得其詳觀州初爲宜州富仁監大觀聞帥
臣王祖道欲招納文蘭州都巡檢劉惟忠謂得文蘭
不若取南丹之利因誣其州莫公佞阻文蘭不令納
土爲公佞罪惟忠遂禽殺公佞帥司奏其功乃改南
丹爲觀州命惟忠守之公佞之歿人以其爲冤其弟公

晟結溪峒圖報復連歲攻圍惟忠中傷死繼以黃璘
代守璘度不能支辭疾告罷以岑利疆代之黃忱復
建議欲增築高峰砦於富仁監側爲觀聲援會朝廷
罷新邊遂請以高峰砦爲觀州設知州一人兵職官
二人曹官一人指使砦保官七人吏額五十人廂禁
軍土丁家丁又千餘人歲費錢一萬二千九百餘貫
米八千八百一十七石有奇州無稅租戶籍皆仰給
鄰郡飛輓涉險阻或遇蠻寇設伏陰發毒矢中人輒
歿人畏賊率委棄道路縱然達州糜費亦不可勝計
昔爲富仁監時不聞有警惟是邊吏欲以刺探爲功

故時時稱警急因以爲利遂欲存而不廢也比年戶
籍日削民多流離或轉入溪洞公私困弊爲甚平州
初隸融州亦羈縻州峒也舊通湖北渠陽軍置融江
砦及文村臨溪潯江堡後以地隔生蠻遂廢崇寧間
復隸融王口砦地接王江更爲懷遠軍後更爲平江
州更古州爲從州王江爲允州並隸黔南政和二年
復廢邊吏黃忱李坦誰其帥臣程鄰乞存平州設知
州一人兵職官二人曹官一人縣令簿二人提舉溪
峒公事本州管界都同巡檢二人五砦堡監官指揮
十人吏額百人禁軍土丁千人歲費錢一萬四千四

百一十八貫六百文米一萬一千一百二十五石有
奇州無租賦戶籍轉運司歲移桂融象柳之粟以給
之及徙融州西北金溪鄉稅米四百九十餘石隸懷
遠糜費甚於觀州况守臣到任卽奏推恩其子州縣
砦堡例得遷官酬賞而稅場互市之利又爲守臣邊
吏所私獨百姓有征戍轉輸之苦誠爲可憫臣以爲
宜罷平觀二州便然尚有可議者觀州初爲富仁監
時有銀治二官取其利有常額熙寧元降條例具在
宜先下經略司責公晟等依熙寧條例施行况公晟
實公佞弟理宜掌州事近雖逃歸未爲蠻族信服察

其情勢不得不倚重中國若來時授之彼知恩出朝
廷必深感悅樞密院亦上言廣西沿邊砦砦昨因邊
臣希賞改建州城侵擾蠻夷大開邊釁地屬徼外租
賦亦無所入而支費煩內郡民不堪其弊遂皆廢罷
唯平觀二州以帥臣所請故存今觀明橐所奏利害
之實昭然可見緣帥臣又稱公晟於南丹觀州實監
境上不時竊發若廢二州恐於緣邊事宜有所未盡
詔令廣南西路帥漕憲司共條具利害以聞既而諸
司交言平觀二州困弊已甚有害無益請復祖宗舊
制爲便詔從其言乾道六年詔補蒙澤進武副尉初

宜州蠻莫才都為亂廣西經略劉焞遣進勇副尉蒙
明燮賊巢諭降才都既而復肆猖獗戕賊官兵未幾
禽才都械送經略司伏法悉破其黨而明亦遇害備
極慘酷邊人憐之焞乞推恩其子澤以旌死事朝廷
從之故有是命淳熙十年冬安化蠻突入內地焚砦
柵殺居民為亂宜州駐劄將官田昭明與蠻力戰敗
死之十一年廣西路鈐轄沙世堅言官軍與徭人兵
器利鈍不同宜勅沿邊軍州多置強弩毒矢以懼徭
人從之是年安化蠻蒙光漸率眾抄掠世堅討平之
初知宜州馬寧祖不支思立砦鹽錢執議以為前守

所積逋止給錢一月不能過及蠻部而權思立砦准
備將領楊良臣復鎮撫乖方遂致激變光漸等詔罷
良臣貶寧祖秩勅帥漕以時給溪峒鹽錢十二年正
月廣西漕臣胡庭直上言邕州之左江永年太平等
砦在祖宗時以其與交趾鄰壤實南邊藩籬重地故
置州縣籍其丁壯以備一旦之用規模宏遠矣比年
邊民率通交趾以其地所產鹽雜官鹽貨之及減易
馬鹽以易銀忽而不防恐生邊釁所宜禁戢既而諸
司上言經略司初準朝旨置馬鹽倉貯鹽以易馬歲
給江上諸軍及御前投進用銀鹽錦悉與蠻互市其

永平砦所易交趾鹽皆居民食皆舊制也况邊民素與蠻夷私相貿易官不能制今一切禁絕非惟左江居民乏益而蠻情亦叵測恐致乖異也乃牒邕州禁民毋私販交趾鹽以妨鈔法是年詔以楊世俊襲父進通職補承信郎紹熙初廣西帥以本路副總管涉世堅素有韜略累立邊功爲羣蠻所畏服嘗破蒙光漸示以威信光漸不敢寇邊者累年乞以世堅兼知宜州實能制伏蠻夷爲久遠之利帝從之慶元四年宜州蠻蒙峒袁康等寇內地敍官塩爲亂廣西帥司調官兵招降之朝廷推賞有差嘉定三年章戡知靜江

府建議以爲廣西所部二十五郡三方鄰溪峒與蠻徭黎蛋雜處跳梁負固無時無之西南最爲重地邕欽之外羈縻七十有二地里綿邈鎮戍非一請增置碓邊軍二百人及調憲司甲軍二百隸帥司初安平州李密侵鄰峒劫掠編民併取古甑峒以其幼子變姓名爲趙懷德知峒事戡諭邕守推古甑一人主之十一年臣僚復上言慶曆間張方平嘗以爲朝廷每備西北孰不知徭蠻衝突嶺外南鄰交趾勢須經營唐時西備吐蕃其後安南寇邊旋致龐勛之禍國朝每憂契丹元昊而儂智高陷邕州南徼騷動天子爲

之旰食豈細故哉臣等比見淮甸間版築荐興更戍
日益而廣南城隍摧圯不葺戍兵逃亡殆盡春秋教
閱郡無百人雖有鄉兵義丁土丁之名實不足用緩
急豈能集事宜於嶺南要地增築城堡籍其民兵歲
時練習定賞罰格以示懲勸如此則號令嚴明守禦
完固民習戰鬥可息徭蠻侵掠之患措四十州民於
久安之域矣詔從之

廣源州蠻儂氏州在邕州西南鬱江之源地峭絕深
阻產黃金丹砂頗有邑居聚落俗椎髻左衽善戰鬥
輕死好亂其先帝氏黃氏周氏儂氏為首領互相劫

掠唐邕管經略使徐申厚撫之黃氏納質而十三部
二十九州之蠻皆定自交趾蠻據有安南而廣源雖
號邕管羈縻州其實服役於交趾初有儂全福者知
儂猶州其弟存祿知萬涯州全福妻弟儂當道知武
勒州一日全福殺存祿當道并有其地交趾怒舉兵
執全福及其子智聰以歸其妻阿儂本左江武勒族
也轉至儂猶州全福納之全福見執阿儂遂嫁商人
生子名智高智高生十三年殺其父商人曰天下豈
有二父耶因冒儂姓與其母奔雷火洞其母又嫁特
磨道儂夏卿久之智高復與其母出據儂猶州建國

曰大曆交趾攻拔儻猶州執智高釋其罪使知廣源
州又以雷火頻婆四洞及思浪州附益之居四年內
然交趾襲據安德州僭稱南天國改年景瑞皇祐元
年寇邕州明年交趾發兵討之不克廣西轉運使蕭
固遣邕州指使开贊往刺候而贊擅發兵攻智高為
所執因問中國虛實贊頗為陳大略說智高內屬乃
遣贊還奉表請歲貢方物未聽又以馴象金銀來獻
朝廷以其役屬交趾拒之後復齎金函書以請知邕
州陳珙上聞不報智高既不得請又與交趾為仇且
擅山澤之利遂招納亡命數出救衣易穀食給言洞

中飢部落離散邕州信其微弱不設備也乃與廣州
進士黃瑋黃師宓及其黨儂建侯儂志忠等日夜謀
入寇一夕焚其巢穴給其衆曰平生積衆今為天火
焚無以為生計窮矣當拔邕州據廣州以自王否則
兵死四年四月率衆五千沿鬱江東下攻破橫山砦
遂破邕州執知州陳珙等兵歿千餘人智高閱寧資
庫得所上金函怒謂珙曰我求一官統攝諸部汝不
以聞何也珙對嘗奏不報索奏草不獲遂扶珙出珙
惶恐呼萬歲求自効不聽乃并其屬及廣西都監張
立害之立臨刑大罵不為屈於是智高僭號仁惠皇

帝改年啓曆赦境內師宓以下皆稱中國官名是時天下乂安嶺南州縣無備一旦兵起倉卒不知所爲守將多棄城遁故智高所嚮得志相繼破橫貴龔

藤梧封康端九州害曹覲于封州趙師旦馬貴于康州餘殺官吏甚衆所過焚府庫進圍廣州初智高將至守將仲簡不許民入保城中民不得入者皆附智高智高勢益張先是魏瓘築城鑿井畜水作大弩爲守備至是智高爲雲梯土山攻城甚急又斷流水而城堅井飲不竭弩發中輒洞潰智高力屈會知英州蘇緘屯兵邊波村扼其歸路番禺縣令蕭注募土丁

及海上疆壯二千餘人與智高衆格鬪焚其戰艦轉運使王罕亦自外至益修守備智高知不可拔圍五十七日七月壬戌解去繇清遠濟江擁婦女作樂而行遇張忠戰于白田忠歿之去攻賀州不克夜害蔣偕于太平揚九月庚申破昭州害王正倫等于館門驛州之山有數穴大可容數百千人民聞兵至走匿其中智高知之縱火皆焚死十月丁丑破賓州甲申復據邕州日夜伐木治舟楫揚言復趨廣州十二月壬申又敗陳曙于金城驛初智高以反聞朝廷命曙就擊之旣而楊旼曹修張忠蔣偕相繼出又以余靖

孫沔爲宣撫使畋修聞智高至退軍避之忠偕等而無謀皆死智高益自恣南土騷然仁宗以爲憂命狄青爲宣撫使諸將皆受青節制曙恐青至有功亟挑戰數敗五年正月青及沔靖會兵賓州官軍土丁合三萬一千餘人按軍法誅曙及指揮使袁用等三十人于坐一軍大振於是進兵青將前陣沔將次陣靖將後陣以一晝夜絕崑崙關歸仁鋪智高聞王師絕險而至出其不意悉衆來拒執大盾標槍衣絳衣望之如火青陣少却先鋒孫卽死之青起麾蕃落騎兵張左右翼出其後交擊左者右右者左已而左者

復左右者復右其衆不知所爲大敗走會日暮智高復趨邕州夜焚城遁由合江口入大理國得屍五千三百四十一築爲京觀所掠生口萬餘人復其業獲僞印九黃師宓而下僞官五十七人梟其首城上收馬牛金帛以鉅萬計智高自起乎幾一年暴踐一方如行無人之境吏民不勝其毒朝廷爲下赦令優除復慰拊瘡痍百姓始得更生云先是謠言農家種糴家收已而智高叛爲青破皆如其謠智高毋阿儂有計謀智高攻陷城邑多用其策僭號皇太后性慘毒嗜小兒肉每食必殺小兒智高敗走阿儂入保特磨

依其夫儂夏卿收殘衆得三千餘人習騎戰復欲入
寇至和初余靖督部吏黃汾黃獻珪石鑑進士吳舜
舉發峒兵入特磨掩襲之獲阿儂及智高弟智光子
繼宗繼封檻至京師初未欲殺日給食飲欲以誘出
智高或傳智高死乃悉棄市既而西川復奏智高未
死謀寇黎雅州詔本路爲備御史中丞孫抃又請勅
益州先事經制以安蜀入然智高卒不出其存亡莫
可知也儂氏又有宗旦者知雷火洞稍桀黠嘉祐二
年嘗入寇知桂州蕭固招之內屬以爲忠武將軍又
補其子知温悶峒日新爲三班奉職十年宗旦父子

請以所領雷火計城諸峒屬縣官願得歸樂州永爲
王民詔各遷一官以宗旦知順安州仍賜耕牛鹽綵
是歲儂夏卿儂平儂亮亦自特磨來歸皆其族也日
新後嘗監邕州稅治平中宗旦與交趾李日尊劉紀
有隙畏偏知桂州陸詵因使人說之遂棄其州內徙
命爲右千牛衛將軍

有甲峒蠻者亦役屬交趾間出寇邕州景祐三年嘗
掠思陵州憑祥峒生口殺登龍鎮將而去嘉祐五年
合交趾門州等蠻五千餘人復爲寇與官兵拒戰斬
首數百詔知桂州蕭固趨邕州發諸郡兵與轉運使

宋咸提點刑獄李師中合議追討是歲數入寇又詔
安撫使余靖擊之蘇茂州蠻亦近邕州至和嘉祐中
皆嘗擾邊

黎峒唐故瓊管之地在大海南距雷州泛海一日而
至其地有黎毋山黎人居焉舊說五嶺之南人雜夷
獠朱崖環海豪富兼并役屬貧弱婦人服總纒績木
皮爲布陶土爲金器用瓠瓢人飲石汁又有椒酒以
安石榴花著甕中卽成酒俗呼山嶺爲黎居其間者
號曰黎人弓刀未嘗去手弓以竹爲弦今儋崖萬安
皆與黎爲境其服屬州縣者爲熟黎其居山峒無征

徭者爲生黎時出與郡人互市至和初有黎人符護
者邊吏嘗獲其奴婢十人還之符護亦嘗犯邊乾瓊
崖州巡檢慕容允則及軍士至是以軍士五十六人
與允則來歸允則道病歿詔軍士至者貸其罪乾道
二年從廣西經略轉運司議詔海南諸郡倅守慰撫
黎人示以朝廷恩信俾歸我省地與之更始其在乾
道元年以前租賦之負逋者盡赦免之能來歸者復
其租五年民無產者官給田以耕亦復其租五年守
倅能慰安黎人及收復省地者視功大小爲賞有差
失地及民者有重罰六年黎人王用休爲亂權萬安

軍事同主管本路巡檢孫滋等招降之九年八月藥
昌縣黎賊劫省民焚縣治爲亂黎人王日存王承福
陳顏招降之瓊管安撫司上其功得借補承節郎淳
熙元年詔承節郎王日存子孫許襲職四年冬萬安
軍王利學寇省地蓋旻進率衆拒之兵弱戰沒八年
六月詔二十六峒都統領王氏女襲封宜人初王氏
居化外累世立功邊陲皆受封爵詔興間瓊山民許
益爲亂王母黃氏撫諭諸峒無敢從亂者以功封宜
人至是黃氏年老無子請以其女襲封朝廷從之十
二年正月樂會縣白沙峒黎人王邦佐等率賊衆五

百爲寇殺掠官軍保義郎陳升之撫降其衆得獲林
智福等瓊管司上其功詔減升之三年磨勘十六年
詔以大寧砦黃弼補承信郎彈壓本界黎峒瓊管司
言弼沉鷲有謀爲遠近推服故用之弼宜人黃氏姪
也嘉定九年五月詔宜人王氏女吳氏襲封統領三
十六峒

環州蠻區氏州隸宜州羈縻領思恩都毫二縣有區
希範者思恩人也後黠頗知書嘗舉進士試禮部景
祐五年與其叔正辭應募從官軍討安化州叛蠻旣
而希範擊登聞鼓求錄用事下宜州而知州馮伸已

言其妄編管全州正辭亦嘗自言功不報二人皆缺
望希範後隸遁歸與正辭率其族人及白崖山酋蒙
趕荔波峒蠻謀爲亂將殺伸已且曰若得廣西一方
當建爲大唐國會自日者石太清至因使之筮太清
曰君貴不過封侯乃令太清擇日殺牛建壇場祭天
神推蒙趕爲帝正辭爲奉天開基建國桂正希範爲
神武定國令公桂州牧皆北嚮再拜以爲受天命又
以區丕績爲宰相餘皆僞立名號補置四十餘人慶
曆四年正月十三日率衆五百破環州劫州印焚其
積聚以環州爲武城軍又破帶溪砦下鎮寧州及普

義砦有衆一千五百宜州捉賊李德用出韓婆嶺擊
卻之前後斬獲甚衆俘偏將二希範懼入保荔波峒
間出拒官軍朝廷下詔購之獲希範正辭及趕者人
賜袍帶錢三十萬塩千斤明年轉運使杜杞大引兵
至環州使攝官區曄進士曾子華宜州校吳香誘趕
等出降殺馬牛具酒給與之盟置曼陀羅花酒中飲
者皆昏醉稍呼起問勞至則推仆後廡下比暮衆始
覺驚走而門有守兵不得出悉擒之後數日又得希
範等凡獲二百餘人誅七十八人餘皆配徙仍醢希
範賜諸溪峒績其五藏爲圖傳於世餘黨悉平鎮寧

宋史列傳卷二百五十四
州亦隸宜州景祐三年蠻酋莫陵等七百餘人內寇遣西京作坊使郭志高閣門祗候梁紹熙往討未至陵等詣桂宜州巡檢李仲政請降廣西轉運使不俟詔貸其罪詔劾之已而釋之是歲高賓州伏檢陳友朋等亦寇海上本路會兵擊之潰去

第二百五十四

列傳卷第二百五十五

宋史四百九十六

開府儀同三司桂國錄事重節中書右丞相監修國史領經筵事都總裁畏脫等奉勅修

蠻夷四

西南諸夷

黎州諸蠻

敘州三路蠻

威茂渝州蠻

黔涪施高徼外諸蠻

瀘州蠻

西南諸夷漢牂牁郡地武帝元鼎六年定西南夷置牂牁郡唐置費玳莊琰播郎牂牁牂夷等州其地北距克州百五十里東距辰州二千四百里南距交州

一千五百里西距昆明九百里無城郭散居村落土
熱多霖雨稻粟皆再熟無徭役將戰征乃屯聚刻木
為契其法劫盜者償其主三倍殺人者出牛馬三千
頭與其家以贖死病疾無醫藥但擊銅鼓銅沙鑼以
祀神風俗與東謝蠻同隋大業末首領謝龍羽據其
地勝兵數萬人唐末王建據西川由是不通中國後
唐天成二年牂牁清州刺史宋朝化等一百五十人
來朝其後孟知祥據西川復不通朝貢乾德三年平
孟昶五年知西南夷南寧州蕃落使龍彥瑫等遂來
貢詔授彥瑫歸德將軍南寧州刺史蕃落使又以順

化王武才為懷化將軍武才弟若啓為歸德司階武
龍州部落王子若溢東山部落王子若差羅波源部
落王子若臺訓州部落王子若從雞平部落王子若
冷戰洞部落王子若磨羅毋殊部落王子若毋石人
部落王子若歲並為歸德司戈開寶二年武才等一
百四十人又來貢以武才為歸德將軍來又乞賜武
才鈿函手詔以舊制所無不許四年其國人詣涪州
言南寧州蕃落使龍彥瑫卒歸德將軍武才及八刺
史狀請以彥瑫子漢瑋為嗣詔授漢瑋南寧州刺史
兼蕃落使八年三十九部順化王子若發等三百七

十七人來貢馬百六十疋丹砂千兩太平興國五年
夷王龍瓊瑯遣其子羅若從并諸州蠻七百四十四
人以方物名馬來貢六年保州刺史董奇死以其子
紹重繼之雍熙二年八月奉化王子以慈等三百五
十人以方物來貢夷王龍漢璿自稱權南寧州事兼
番落使遣牂牁諸州酋長趙文橋率種族百餘人來
獻方物名馬并上蜀孟氏所給符印授漢璿歸德將
軍南寧州刺史以文橋等並爲懷化司戈端拱二年
漢璿又貽書五溪都統向通漢約以入貢淳化元年
漢璿遣其弟漢興來朝三年夷王龍漢興及都統龍

漢瑋刺史龍光顯龍光盈及順化王兩滯等各貢馬
朱砂至道元年其王龍漢瑋遣其使龍光進率西南
牂牁諸蠻來貢方物太宗召見其使詢以地里風俗
譯對曰地去宜州陸行四十五日土宜五穀多種秧
稻以水弩射麋鹿食無三二百戶為一州州有長
殺入者不償死出家財以贖國王居有城郭無壁壘
官府惟短垣光進之說與前書所記小異故并叙之
上因令作本國歌舞一人吹瓢笙如蚊蚋聲良久數
十輩連袂宛轉而舞以足頓地為節詢其曲則名曰
水曲其使十數輩從者千餘人皆蓬髮面目黧黑狀

如猿猱使者衣虎皮氈裘以虎尾挿首為飾詔授漢
燒寧遠大將軍封歸化王又以歸德將軍羅以種為
安遠大將軍保順將軍龍光盈龍光顯並為安化大
將軍光進等二十四人並授將軍郎將司階司戈其
本國使從者有甲頭王子刺史判官長史司馬長行
儼人七等之名咸平元年其王龍漢瑋遣使龍光興
又率牂牁諸蠻千餘人來貢詔授光興等百三十八
官三年都部署張文黔來貢五年漢瑋又遣牙校率
部蠻千六百人馬四百六十四匹并樂物布帛等來貢
賜冠帶於崇德發厚賚並遣還六年知全州錢絳請招

誘溪洞名豪上以生事寢其奏不報景德元年詔西
南牂牁諸國進奉使親至朝廷者令廣南西路發兵
援之勿抑其意先是龍光進等來朝上矜其道遠人
馬多斃因詔宜州自今可就賜恩物至是懇請詣闕
從之二年詔羈縻保霸州刺史董紹重董忠義歲賜
紫綾錦袍四年西南蠻羅瓊并都指揮使顏士龍等
來貢士龍種落遐阻未嘗來朝今始至詔館餼賜予
如高溪州大中祥符元年瀘州言江安縣夷人殺傷
內屬戶害巡檢任賽既不自安遂為亂詔遣閣門祇
候侍其旭乘傳招撫旭至蠻人首罪殺牲為誓未幾

復叛旭因追斬數十級擒其首領三人又以衣服紬布誘降蠻斗婆行者將按誅其罪上以旭召而殺之違招撫之實卽降詔戒止且令篤恩信設方略制禦無尚討伐以滋驚擾二年旭言庾人恃巖險未卽歸服詔文思副使孫正辭等爲都巡檢使乃分三路入其境脅以兵威皆震懼伏罪三年正辭言夷人安集降詔嘉獎先有蠻羅忽餘甚忠順防援并監捕殺違命者不已上遣內臣郝昭信褒慰之且諭以赦蠻黨前罪勿復邀擊四年茂州夷族首領耆老刑牛犬於三溪誓不侵擾州界又峽路鈐轄執爲亂夷人王羣

體等至闕下上曰蠻夷不識教義面之爲亂亦守臣失於綏撫並免死分隸江浙遠地其年霸州董喆爲其巡檢使董廷早所殺五年黎洞夷人互相殺害巡檢使發兵掩捕上聞而切責之曰蠻夷相攻許邊吏和斷安可擅發兵甲或致擾動卽令有司更選可任者代之五年晏州多剛縣夷人斗望行牌率教劫涪并監殺駐泊借職平言大掠資畜知瀘州江安縣奉職文信領兵趨之遇害民皆驚擾走保戎州轉運使寇瑊卽令諸州巡檢會江安縣集公私無百餘艘載糧甲張旗幟擊銅鑼鼓吹自蜀江下抵清浮埧樹營

柵抱安近界夷族諭以大兵將至勿與望等同惡未
幾納溪藍順州刺史介私生南八姓諸團島蠻徬廣
王子界南廣溪移院院在十一州東李紹安山後高
門刺猫狗雞血和酒飲之誓同力討賊賊乃署牘許
以官軍至不殺其老幼給賜衣幣酒食上遣內殿崇
班王懷信乘傳與瑊等議綏撫方略瑊言斗望等屢
爲寇鈔特寬赦不俊惡今請發嘉眉屯兵捕剪以震
懼之六年九月詔懷信爲嘉眉戎瀘等州水陸都巡
檢使閣門祗候康訓符承訓爲都同巡檢使及發虎

翼神虎等兵三千餘人令懷信與瑊商度進討上因
謂樞密使陳堯叟曰往時孫正辭討蠻有虎翼小校
率衆冒險者三人朕志其姓名今以配懷信正辭嘗
料簡鄉丁號白芳子兵以其識山川險要遂爲鄉導
今亦令懷信召募又使臣宋賁屢規畫溪峒事適中
機要以賁知江安縣與懷信等議事瑊乃點集昌盧
富順監白芳子弟得六千餘人十一月懷信康訓分
領緣溪入合灘至生南界斗滿村遇夷賊二千餘人
擊之殺傷五百人奪梭槍藤牌會暮收衆保砦夷黨
三千餘人分兩道張旗喊呼來逼砦柵懷信出擊皆

潰散進壁娑娑遇夷二十于羅募村又破之追至斗
行村上屏風山連破四砦一日三戰俘馘百餘人奪
資糧五千石槍刀什器萬數焚羅固募斗引等三十
餘村庵舍三千區懷信又引兵至斗行村追擊過盧
羅射什二百餘人蕪其欄柵千數分遣部下於羅箇
頰羅能落運等村及龍峨山掩殺大獲戎具斬首級
及重傷投崖死者頗衆燒舍千區及積穀累萬兩路
兵會于涇灘置砦遣康訓部壕砦卒修涇灘路以渡
大軍俄為夷賊所邀戰不利訓顛于崖死之懷信引
兵急擊大敗之追斬至涇灘懷信夾砦于晏江口城

與符承訓偵知賊謀欲乘夜擊晏江馳報懷信即自
涇灘拔砦赴之比至晏江北山夷衆萬餘已自東南
合勢逼懷信砦懷信設强弩環砦射賊城等整衆乘
高策援夷人大懼而却合擊破之死傷千餘人七年
正月其酋斗望三路分衆來鬪又為官軍大敗射殺
數百人溺江水死者莫計夷人震讐詣軍首服納牛
羊銅鼓器械城等依詔撫諭二月還軍涪井夷首斗
望及諸村首領悉赴監自陳願貸死永不寇盜邊境
因殺三牲盟誓辭甚懇苦即犒以牢酒感悅而去城
懷信等上言夷人寧息請置涪井監壕柵并許近界

市馬從之八年夔州路上言南寧州夷族張聲進遣使進奉爲蕃落使龍漢瑋邀奪讐劫不已乞降勅書安撫天聖四年龍光凝康定元年龍光琇景祐三年龍光辨慶曆五年龍以特皇祐二年龍光澈等繼以方物來貢獻與以特俱至者七百十九人是年以安遠將軍知蕃落使龍光辨爲寧遠軍大將軍寧遠將軍知靜蠻軍節度使龍光凝承宣武寧大將軍龍異豈並爲安遠大將軍承宣奉化大將軍龍異魯爲武寧大將軍至和中龍以烈龍異靜首領張漢陞王子羅以崇等皆入貢命其首領而下九十三人爲大將軍至郎將嘉祐中以烈復至大率龍姓諸部族地遠且貧熙寧中來見賜以袍帶等物刺其數於背又有張玉石自品者嘉祐中來貢而鶴州亦遣人貢馬有董氏世知保州曰仲元者襲是州二十餘年矣至是益州黔轄司表其善拊蠻夷命爲本州刺史鶴州保州皆西南邊地也又有夷在瀘州部亦西南邊地所部十州曰鞏曰定曰高曰奉曰清曰宋曰納曰晏曰投附曰長寧皆夷人居之依山險善寇掠清井監者在夷地中朝廷置吏領之以拊御夷衆或不得人往往生事慶曆四年四月夷人攻三江砦招鳳路總

萬曆二十八年刊

管司發兵千人選官馳往捕擊既而瀘州教練使生
南招安將史愛誘降夷賊斗敖等詔並補三班差使
殿侍清井監一路招安巡檢未幾夷衆復寇三江砦
指使王用等擊走之皇祐元年二月夷衆萬餘人復
圍清井監水陸不通者甚久初監戶晏州夷人錢而
歐傷斗落妹其衆憤怒欲報之知瀘州張昭信勸諭
既已聽服而清井監復執婆然村夷人細令等殺長
寧州落占等十人故激成其亂詔知益州由况發旁
郡士卒命梓夔路兵馬鈐轄宋定往援之於是兩路
合官軍洎白子弟幾二萬人與戰兵死者甚衆飢

死又千餘人數月然後平賜况及轉運使勅書褒將
宋定而下十三人進秩有差後况還朝乃奏夷衆連
年爲亂繇主者非其人請令轉運鈐轄司舉官爲知
監監押代還日特遷一資從之嘉祐二年三里村夷
斗還等百五十人復謀內寇有黃土坎夷斗蓋長寧
州人也先以其事來告清井監引兵趨之捕斬七千
餘級鈐轄司上聞詔賜斗蓋錢三十萬錦袍銀帶明
年又補斗蓋長寧州刺史瀘州部舊領那州廢已久
有烏蠻王子得蓋者來居其地部族最盛數遣人詣
官自言願得州名以長夷落事聞因賜號姚州鑄印

予之得蓋又乞勅書一道以遺子孫詔從其請夔州
路又有溱南二州夷頗盛彊皇祐初詔自今歲遣使
者存問之雅州西山野川路蠻者亦西南夷之別種
也距州三百里有部落四十六唐以家皆爲羈縻州
太平興國三年首領馬令膜等十四人以名馬羣牛
虎豹皮麝臍來貢并上唐朝勅書告身凡七通咸賜
以冠帶其首領悉授官以遣之紹聖三年以碣門砦
蠻部王元壽襲懷化司戈云

黎州諸蠻凡十二種曰山後兩林蠻在州南七日程
曰邛部州在州東南十二程曰風琶蠻在州西南一
千一百里曰保塞蠻在州西南三百里曰三王蠻亦
曰部落蠻在州西百里州西菁蠻在緬羌部落在州
西三百里曰淨浪蠻丘州南一百五十里曰白蠻在
州東南一百里曰烏蒙蠻在州東南千里曰阿宗蠻
在州西南二日程凡風琶兩林邛部皆謂之東蠻其
餘小蠻各分隸焉邛部於諸蠻中最驕悍狡譎招集
蕃漢亡命侵穰他種閔其道以專利曰大雲南蠻曰
小雲南蠻卽唐南詔今名大理國自有傳夷俗尚鬼
謂主祭者鬼主故其酋長號都鬼主後唐天成間始
來貢開寶二年六月壬子勿兒遣部落將軍離魚以

狀白黎州期十月內入貢成都府以聞詔嘉谷之至是來朝賜以器幣由黎州南行七日而至其地又一程至雋州雋州今廢空城中但有浮圖一又二程至建昌城又十七程至雲南三年七月又朝貢六年四月邛部州歸德將軍阿伏上言爲山後兩林蠻勿兒率衆侵掠堡砦八年懷化將軍勿尼等六人餘人來貢詔以勿尼爲歸德將軍又以兩林蠻大鬼主蘇吠爲懷化將軍太平興國二年遣使王子卑絲副使年蓋鬼主還祖等七十八人以名馬來貢乞頒正朔下詔曰山後兩林蠻主歸德將軍勿尼懷化將軍勿兒等

克慕聲明遠修職貢並增環衛之秩俾爲夷落之榮勿尼可特授歸德大將軍勿兒可特授懷化大將軍是冬又遣使離魚貢犀二株馬九匹來賀登極四年勿兒與都鬼主又遣王子祚遇以名馬來貢八年蠻主弟牟昂及王子牟蓋摩忙卑愧副使牟計等二百三十九人來貢詔以牟昂爲懷化大將軍牟蓋等三人爲歸德郎將牟計等百二十人並爲懷化司戈雍熙三年勿尼等及其王子李奉恩復來貢馬淳化元年王子離魚副使卑都卑諭鬼主岐禮等百二十八人來貢詔授離魚歸德將軍卑都保順郎將卑諭歸

德司戈甲熱等五十四人懷化司戈天禧二年山後
兩林百蠻都鬼主李阿善遣將軍甲熱等一百五十
人來貢

邛部州蠻亦曰大路蠻亦曰勿鄧居漢越雋郡會無
縣地其酋長自稱百蠻都鬼主開寶三年六月都鬼
主阿伏白黎州期以十月令王子入貢成都府以聞
詔嘉納之四年黎州定遠兵士構叛聚居鹿角溪阿
伏令弟遊擊將軍甲吠等率衆平之詔賜阿伏銀帶
錦袍并賜其衆銀帛各百以爲歸德將軍六年阿伏
與山後兩林蠻主勿兒言語相失勿兒率兵侵邛部

州頗俘殺部落黎州以聞並賜詔慰諭令各守封疆
勿相侵犯太平興國四年首領牟昂諸族鬼主副使
離襪等各以方物來貢雍熙二年都鬼主諾驅并其
母熱免遣王子阿有等百七十二人以方物名馬來
貢詔以諾驅爲懷化將軍并賜其母銀器端拱二年
遣弟少蓋等三百五十人來賀籍田貢御馬十四匹
馬二百八十四匹犀角二象牙二莎羅毯一合金銀飾
蠻刀二金飾馬鞍勒一具羴羊十犛牛六詔以少蓋
爲歸德郎將淳化元年諾驅自部馬二百五十四匹至
黎州求互市詔增給其直諾驅令譯者言更入西蕃

求良馬以中市二年復遣子牟昂叔離襪以方物良馬犛牛來貢仍乞加恩詔授諾驅懷化大將軍少蓋懷化將軍牟昂歸德將軍離襪懷化司戈又封諾驅母歸德郡太君熱免寧遠郡太君弟離遮小男阿醉都判官任彥德等一百九十一人為懷化司戈至道元年李淳亂西川王繼恩討平之遣嘉州牙校辛顯使諾驅奉淳化二年所授官告敕書及日曆為信因言與賊樊秀等接戰敗之復請朝覲通嘉州舊路繼恩上言通嘉州路非便只令於黎州賣馬詔不允其入覲王子一十九人並加官鬼主三十六人並賜勅

書以撫之至道三年遣王子阿醉來朝真宗咸平二年遣王子部的等來貢文犀名馬賜衣帶器幣有差又乞給印以大渡河南山前後都鬼主為文從之五年又遣王子離歸等二百餘人入貢六年黎州言叩部州都蠻王諾驅卒其子阿適立景德二年阿道遣王子將軍百九十二人來貢詔授阿適安遠將軍阿適叔懷化將軍阿育為歸德將軍離歸為懷化將軍大判官懷化司候任彥德王子將軍部的並為懷化郎將判官任惟慶為懷化司候大中祥符元年遣將軍趙勿婆等獻名馬犀角象齒婆羅毯會于泰山禮

畢阿道加恩勿娑等厚賜遣還天聖八年十月邛部
州都蠻王黎在遣卑郎離滅等未貢方物時占城龜
茲汝州亦皆入貢至以家自隴晏殊因請圖其人物
衣冠并訪道里風俗以上史官詔可九年三月命黎
在為保義將軍又命其部族為郎將司戈司候凡三
十餘人明道元年黎州言黎在請三歲一貢詔諭以
道路遐遠聽五年一至景祐初黎州復言邛部蠻請
歲入貢詔如明道令寶元元年百蠻都王忙海遣將
軍卑蓋等貢方物且請三歲一貢不許慶曆四年邛
部州山前山後百蠻都鬼主牟黑遣將軍阿儕等三

百二十九人獻馬二百一十犛牛一大角羊四犀株
一莎羅毯一慶曆間有都鬼主弁黑等入貢未幾其
王咩墨擾邊知黎州孫固使其首領苴剋殺之熙寧
三年苴剋遣使來賀登寶位自稱大渡河南邛部州
山前山後百蠻都首領賜敕書噐獎襲衣銀帶是年
苴剋死詔以其子韋則為懷化校尉大渡河南邛部
州都鬼主九年遣其將軍卑郎等十四人入貢乾道
元年詔以崖鞞襲兄蒙備金紫光祿大夫懷化校尉
都鬼主如故淳熙元年吐蕃寇西邊崖鞞率衆掩擊
詔嘉其功二年五月兩林蠻王弟籠畏及酋長崖來

率部義等攻邛部州之籠甕城不克大掠而去崖韃
追之不及制置使范成大檄黎州嚴加備禦八年崖
韃死其姪墨崖襲職詔黎州屯戍土軍禁軍及西兵
遇有邊事並聽本州守臣節制嘉定九年邛部州逼
於雲南遂伏屬之其族素效順捍禦邊陲旣折歸雲
南失西南一藩籬矣

風琶蠻咸平初其王曩婁遣使烏栢等貢馬五十七
匹素地紅花娑羅毯二來賀即位詔授曩婁及進奉
使等官優賜遣之景德三年又遣烏栢來貢詔授曩
婁歸德將軍烏栢等四十六人弟遷郎將司階司戈

寶塞蠻開寶間其蠻七十餘人由大渡河來歸時時
來貨其善馬紹興一十七年川秦都大司言漢地民
張太二姑率衆劫殺市馬蠻客崖遇等恐啓邊釁已
加慰諭併償其直矣詔免知州唐拒及通判陳伯強
官抵首賊法

部落蠻有劉楊郝三姓淳熙七年十月黎州五部落
蠻貢馬三百匹求內附詔許通互市卻其所獻馬彌
羌部落乾道九年吐蕃青羌以知黎州宇文紹直不
雙言其馬價憤怨爲亂詔師憲撫安之紹直罷免青羌
首領奴兒結等市馬黎州大肆虜掠權州事三昉多

給金帛亟遣還宣撫使虞允文言昉貪功恐他部效尤漸啓邊釁詔降昉兩官十月黎州吐蕃復寇邊攻虎掌砦詔四川宣撫司檄成都府調兵二千人戍黎州以禦之淳熙二年奴兒結還所虜生口三十九人黎州與之盟復聽其互市給賞歸之制置使范成大言所虜未盡歸我豈可復與通好詔謫宇文紹直編管千里外成大增黎州五砦籍強壯五千人爲戰兵吐蕃入寇之徑凡十有八皆築堡戍之奴兒結率衆二千扣安靜砦成大調飛山卒千人赴之度其三日必遁戒勿追已而果然青羌奴兒結爲邊害者十餘

年其後制置使留正以計禽殺之盡殲其黨淳熙十二年趙汝愚代爲制置使或謂殺降不詳必啓邊患汝愚不爲動但分守險要嚴備以待之明年奴兒結弟三開果入寇邊備完固三開不能攻走歸汝愚縣重賞以問羣蠻三開不能孤立遂以憂死時虛恨蠻族最強破小路蠻并其地與黎州接壤請通互市汝愚以黎州三面被邊若更通虛恨蠻恐重貽他日之憂不若拒之爲便帝以其知大體從之尋汝愚以定青羌功加龍圖閣直學士嘉定元年十二月彌羌蓄卜由惡水渡河寇黎州破碉子砦初蓄卜弟悶巴至

三衝為人所殺又徙白水村渡於安靜砦羌人患之蓄卜遂與青羌詣邛州欲假道女兒城以入寇守臣楊子謨謀知之數以貲遺其都王母俾母假道時時餽米以濟其饑蠻人德之會趙公庀代為郡斬不與蓄卜遂得假道渡河攻茆坪砦掠三松蠶砂橫山三增白羊諸村郡遣西兵將党壽禦之失利復遣統領王光世往羌人由茆坪以革船渡河光世憚之留屯三衝不敢進羌人焚掠既盡渡河而歸二年二月復寇黎州良溪砦官軍敗績八年二月蓄卜降蓄卜連年入寇皆青羌曳失索助之守臣袁柵遣安靜砦總轄杜軫招降之他如浮浪蠻白蠻烏蒙蠻阿宗蠻則其地各有所服屬云

敘州三路蠻西北曰董蠻正西曰石門部東南曰南廣蠻董蠻在馬湖江右夔侯國也唐羈縻馴騁浪商四州之地其酋董氏宋初有董春借者貢馬自稱馬湖路二千七部落都王子其地北近犍為之沐川賴因砦砦阨蠻險蠻數寇抄熙寧紹聖中朝廷皆為徙賴因監押駐榮丁砦而以縣吏控截政和五年始改差監押克知砦事蠻寇掠如故南廣蠻在敘州慶符縣以西為州十有四大觀三年有夷酋羅永順楊光

榮李世恭等各以地內屬詔建滋純祥三州後皆廢石門蕃部與臨洮土羌接唐興播等十二州之地俗推髻披氍佩刀居必攔棚不喜耕稼多畜牧其人精悍善戰鬥自馬湖南廣諸族皆畏之蓋古浪稽魯望諸部也

威州保霸蠻者唐保霸二州也天寶中所置地陷沒酋董氏世有其地與威州相錯因羈縻馬保州有董仲元霸州有董永錫者嘉祐及熙寧中皆嘗請命於朝政和二年知成都龐恭孫始建言開拓置官吏於是董舜咨保州地爲祺州董彥博霸州地爲亨州

授舜咨刺史彥博團練使舜咨尋遷觀察使彥博留後遂爲節度使詔成都給居第田十二頃二州經費歲用錢一萬二千一百緡米麥一萬四千七百石絹二千八百五十四匹紬布綾綿茶鹽銀等不預焉後皆爲砦

茂州諸部落蓋塗靜當直時飛宕恭等九州蠻也蠻自推一人爲州將治其衆而常詣茂州受約束茂州居羣蠻之中地不過數十里宋初無城隍惟植鹿角自固蠻乘夜屢入寇民甚苦之熙寧八年相率詣州請築城知州事范百常實主是役蠻以爲侵其地率

衆奄至百常擊走之乃合靜時等蠻來寇百常拒守
凡七十日詔遣王中正將陝西兵來援入恭州宕州
誅殺頗衆蠻乃降政和五年有直州將邛永壽湯延
俊董承有等各以地內屬詔以永壽地建壽寧軍延
俊承有地置建寧軍時威州亦建亨祺二州然亨至
威纔九十里壽寧距茂纔五里在大旱江之外非扼
控之所未幾皆廢七年塗靜時飛等州蠻復反茂州
殺掠千餘人知成都周燾遣兵馬鈐轄張永驛等擊
之畏懦不敢進皆坐黜以孫義叟節制綿茂軍於是
中軍將种友直等破其都祿板舍原諸族蠻敗散其

酋旺烈等詣茂州請降乃班師授旺烈官月給茶綵
自後蠻亦驕宣和五年宕恭直諸部落入寇六年塗
靜蠻復犯茂州云

渝州蠻者古板楮七姓蠻唐南平獠也其地西南接
烏蠻昆明哥蠻大小播州部族數十居之治平中熟
夷李光吉梁秀等三族據其地各有衆數千家間以
威勢脅誘漢戶有不從者屠之沒入土田徃徃投充
客戶謂之納身稅賦皆里胥代償歲匿亡命數以其
徒偽為生獠劫邊民官軍追捕輒遁去習以為常密
賂黠民覘守令動靜稍築城堡繕器甲遠近患之熙
嘉靖丁巳年

寧三年轉運使孫固判官張詵使兵馬使馮儀弁簡杜安行圖之以禍福開諭因進兵復賓化砦平蕩三族以其地賦民凡得租三萬五千石絲綿一萬六千兩以賓化砦為隆化縣隸涪州建榮懿扶歡兩砦其外銅佛埧者隸渝州南川縣地皆膏腴自光吉等平他部族據有之朝廷因補其土人王才進充巡檢委之控扼才進死部族無所統數出盜邊朝廷命熊本討平之建為南平軍以渝州南川涪州隆化隸焉元豐四年有楊光震者助官軍破乞弟殺其黨阿訛大觀二年木攀首領趙泰播州夷族楊光榮各以地內屬詔建溱播二州後皆廢

黔州涪州徼外有西南夷部漢牂牁郡唐南寧州牂牁昆明東謝南謝西趙交州諸蠻也其地東北直黔涪西北接嘉叙東連荆楚南出宜桂俗椎髻左衽或編髮隨畜牧遷徙亡常喜險阻善戰鬥部族共一姓雖各有君長而風俗略同宋初以來有龍蕃方蕃張蕃石蕃羅蕃者號五姓蕃皆常奉職貢受節命治平四年十二月知靜蠻軍蕃落使守天聖大王龍異閣等入見詔以異閣為武寧將軍其屬二百四十一人各授將軍及即將熙寧元年有方異現三年有張漢

興各以方物來獻授異現靜蠻軍漢興捍蠻軍並節
度使六年龍蕃羅蕃方蕃石蕃八百九十人入覲貢
丹砂氈馬賜袍帶錢帛有差其後比歲繼來龍蕃衆
至四百人往返萬里神宗憫其勤詔五姓蕃五歲聽
一貢人有定數無輒增加及別立首領以息公私之
擾命宋敏求編次諸國貢奉錄客省四方館撰儀皆
著為式元豐五年張蕃乞添貢奉人至三百詔故事
以七十人為額不許七年西南程蕃乞貢方物願依
五姓蕃例注籍從之元祐二年西南石蕃石以定等
齋表自稱西平州武聖軍禮部言元豐豆著令以五年

一貢為限今年限未及詔特令入貢五年八年紹聖
四年龍蕃皆貢方物龍氏於諸姓為最大其貢奉尤
頻數使者但衣布袍至假伶人之衣入見蓋實貧陋
所異者恩賞而已故事蠻夷入貢雖交趾于闐之屬
皆御前殿見之獨此諸蕃見於後殿蓋卑之也元符
二年又有牟韋蕃入貢詔以進奉人韋公憂公市公
利等為郎將諸蕃部族數十獨五姓最著程氏韋氏
皆比附五姓故號西南七蕃云

施州蠻者夔路徼外熟夷南接牂牁諸蠻又與富順
高溪四州蠻相錯蓋唐彭水蠻也咸平中施蠻嘗入

寇詔以鹽與之且許其以粟轉易蠻大悅自是不為
 邊患後因飢又以金銀倍實直質于官易粟官不能
 禁熙寧六年詔施州蠻以金銀質米者估實直如七
 年不贖則變易之著為令熊本經制涪井事蠻酋田
 現等內附夔路轉運判官董鉞副使孫珪知施州寇
 平皆以招納功被賞施黔比近蠻子弟精悍用木弩
 藥箭戰鬪趨捷朝廷嘗團結為忠義勝軍其後瀘州
 涪井石泉蠻叛皆獲其用

高州蠻故夜郎也在涪州西南宋初其酋田仙以地
 內附賜名珍州拜為刺史仙以郡多火災請易今名
 大觀二年有駱解下上族納上復以珍州名云

瀘州西南徼外古羌夷之地漢以來王侯國以百數
 獨夜郎滇邛都雋昆明徙祚都冉駝白馬氏為最大
 夜郎在漢屬牂牁郡今涪州之西溱播瓊等州封域
 是也滇在漢為益州郡今姚州善闡之地是也邛都
 雋州會同川與吐蕃接今邛部州蠻所居也雋今雋
 州昆明在黔瀘徼外今西南蕃部所居也徙今雅州
 嚴道地祚都在黎州南今兩林及野川蠻所居地是
 也冉駝今茂州蠻汶山夷地是也白馬氏在漢為武
 都郡今階州汶州蓋羌類也此皆巴蜀西南徼外蠻

夷也自黔恭以西至涪瀘嘉敘自階又折而東南至威茂黎雅被邊十餘郡綿亘數千里剛夷惡獠殆千萬計自治平之末訖于靖康大抵皆通互市奉職貢雖時有剽掠如鼠竊狗盜不能爲深患參考古今辨其封域以見琛贐之自至梯航之所及者爾若夫邊荆楚交廣則係之溪峒云涪水夷者羈縻十州五岡蠻也雜種夷獠散居溪谷中慶曆初瀘州言管下溪峒十州有唐及本朝所賜州額今烏蠻王子得蓋居其地部族最盛旁有舊姚州廢已久得蓋願得州名以長夷落詔復建姚州以得蓋爲刺史鑄印賜之得

蓋死其子竊號羅氏鬼主鬼主死子僕射襲其號浸弱不能令諸族烏蠻有二酋領曰晏子曰斧望箇怒常入漢地鬻馬晏子所居直長寧寧遠以南斧望箇怒所居直納溪江安以東皆僕夜諸部也晏子距漢地絕近猶有涪井之阻斧望箇怒近納溪以舟下瀘不過半日二酋浸强大擅劫晏州山外六姓及納溪二十四姓生夷夷弱小皆相與供其寶熙寧七年六姓夷自涪井謀入寇命熊本經制之景思立戰役本將蜀兵募土丁及夷界黔州弩手以毒矢射賊賊驚潰於是山前後長寧等十郡八姓及武都夷皆內附

提點刑獄范百祿作文以誓之曰蠢茲夷醜涓溪之
許爲虺爲豺憑負固圍殺人于貨頭顱草莽莫慘燔
炙莫悲奴虜狃唬熟慝胡可悉數疆吏苟玩噤不敢
語奮若之歲曾是疆禦躑躅嘯聚三壕羅募債我將
佐戕我士伍西南繹騷帝赫斯怒帝怒依何神聖文
武民所安樂惟曰慈撫民所疾苦惟曰砭去乃用其
良應變是許粥能裔孫爰馭貔虎殲其渠酋判其黨
與旣奪之心復斷右股攝提孟陬徂征有敘背孤擊
虛采入厥阻兵從天下鐵首具舉紛紜騰沓莫敢嬰
牯火其巢穴及其困貯暨其貲畜墟其林霖殺傷係

縲以百千數涇灘望風悉力比附丁爲帝民地口王
土投其器械籍入官府百死一贖莫保銅鼓軟盟神
天視此狗鼠敢忘誅絕以干罪罟乃稱上恩俾復故
處殘醜厥角泣血懇語天子之德雨暘覆護三五噍
類請比涇倖大邦有令其戒警汝天旣汝貸汝勿予
侮惟十九姓往安汝堵吏治汝責汝力汝布吏時汝
耕汝稻汝黍懲創于今無怵徃古小有堡障大有城
戍汝或不聽汝擊汝捕尚有虢將突騎強旅傳此黔
軍毒矢勁弩天不汝容暴汝居所不汝遺有悔於何
取立石于武寧砦熊本言二酋桀黠不羈縻之則諸

蠻未易服遂遣人說誘招納於是晏子斧望箇恕及僕夜皆願入貢受王命晏子未及命而歿乃以箇恕知歸來州僕夜知姚州以箇恕之子乞弟晏子之子沙取祿路並爲把截將西南夷部巡檢八年俞州獠寇南州獠酋阿訛率其黨奔箇恕熊本重賞檄斬訛訛桀黠習知邊境虛實箇恕匿不殺詭降于納溪訛得不死甚德箇恕爲伺邊隙會箇恕老歿兵以事屬乞弟遂與訛侵諸部十年羅苟夷犯納溪砦初砦民與羅苟夷競魚苟誤毆殺之吏爲按驗夷已忿謂漢後吾人官不償我骨價反暴露之遂叛提點刑獄穆

珣言納溪去瀘一舍羅苟去納溪數里今託事起端若不加誅則烏蠻觀望爲害不細乃詔涇原副總管韓存寶擊之存寶詔乞弟等犄角討蕩五十六村十三圍蠻乞降願納土承賦租乃詔罷兵元豐元年乞弟率晏州夷合步騎六千至江安城下責平羅苟之賞城中守兵纔數百震恐不能授甲蠻數日乃引去知瀘州喬敘要欲與盟遣梓夔都監王宣以兵二千守江安仍奏以乞弟襲歸來州刺史韓運遣小校楊舜之召乞弟拜敕乞弟不出遣就賜之亦不見而令小蠻從舜之取敕以去喬敘因沙取祿路以賄招乞

弟乃肯來三年盟于納溪蠻以為畏已益悖慢盟五日遂以眾圍羅箇牟族羅箇牟熊本所團結熟夷也王宣往救之蠻解圍合力拒官軍宣與一軍皆沒事遂張駟召存寶授方略統三將兵萬八千趨東川存寶怯懦不敢進乞弟送款給降存寶信之遂休兵于綿梓遂資間四年詔以環慶副總管林廣代存寶按寶豆撓誅之熟夷楊光震殺阿訛詔林廣與光震合力討賊乞弟恐復送款帝以其前後反覆無真降意督廣進師廣遂破樂攻城至斗蒲村斬首二千五百級次落婆乞弟乃納降廣盛陳兵以受之對語良久

乞弟疑有變引眾遁廣師兵深入會大雨雪浹旬始次老人山山形劔立度黑崖至鴉飛不到山五年正月次歸來州天大寒然桂為薪軍士皆凍墮指留四日求乞弟不可得內侍麥文昞問廣軍事廣曰賊未授首當待罪文昞乃出所受密詔曰大兵深入討賊期在臬獲元惡如已破其巢穴雖未得乞弟亦聽班師軍中皆呼萬歲曰天子居九重明見萬里外乃以眾還自納溪之役師行凡四十日築城樂共城江門砦梅嶺席帽溪堡西達清井東道納溪皆控制要害捷書聞赦梓州路以歸來州地賜羅氏鬼主乞弟既

失土窮甚往來諸蠻間無所依帝猶欲招來之命知
瀘州王光祖開諭許以自新會其死於是羅始党斗
然斗更等諸酋請依十九姓團結新收生界八姓兩
江夷族請依七姓團結皆爲義軍從之自是瀘夷震
懼不復爲邊患沙取祿路死子黠弊承襲政和五年
晏州夷卜漏叛若將高公老遁招討使趙適討平之
授黠弊西南夷界都大巡檢事見趙適傳

列傳卷第二百五十五

宋史後序

宋史鉅梓既成總督兩廣

軍務兼理巡撫都察院右

都御史桂陽朱公喜而序

之矣廣東藩臬諸公徵予

序其後於乎史所以垂世

而立教也宋有天下繼漢
唐之治踰三百年自太祖
太宗以至度宗凡十數君
而中間賢臣彬彬濟濟以
弼成一代之治而治體之
純道學之粹遠追三代亦

何其盛矣哉間有弗經者
若嘉禾中之稂莠而不能
逃夫公論之貶也史之所
載自帝王而下若天文五
行律曆地理或河渠禮樂
或儀衛輿服至於選舉職

官食貨兵刑以暨藝文宰
輔宗室世系諸省來賓靡
不備錄詳紀得司馬遷班
固之法於乎盛矣哉是書
脩於元而未行於世迨今
百餘年矣今都憲公廣詢

博訪得全本而圖傳之會
左布政使莆田彭韶右布
政使三首袁愷左叅政大
理楊結一豐城丁璠右叅政
豐城蘇懷左叅議淳安徐
鑑右叅議閩清謝瑞按察

使甫曰厥途為程閔珪副
使連江林錦壽林陶魯江
都俞後文福李瑤祁門程
宏僉事一百江趙瑤道州趙
弘閩縣陳廷玉進賢楊峻
南昌羅經同志研稽鉞梓

以行該而博正而嚴深欲
示鑒戒之功不但託紀載
之詳而已也是書行之天
下國之典制有此焉明人
之善惡有此焉辨將使為
君為臣者動心奮志覽建

功三業措國於有道者則
景仰遺範敢不說而行之
乎覽竊榮冒進致身於非
據者則拍案瞑目能不懼
而防之乎明治亂之由謹
勸戒之道移風以變俗懷

偽以復古其有補於世不
其大矣乎於乎史所以垂
世而立教也明矣

成化十六年歲次庚子春

三月吉日

賜進士文林郎巡按廣東監

察御史豐城袁禎書

7

次

世

其

蘇

